

淵鑑類函

卷七十三之卷七十五





淵鑑類函卷七十三

設官部十三尚書總裁中錄尚書尚書對機輔

尚書令尚書總裁一卦中采結為聖時尚書次吳故長曹

原杜氏通典曰昔堯試舜於大麓領錄天下事似其任

也周之司會又其職焉鄭元注周禮云司會若今尚書秦時少府遣吏

四人在殿中主發書故謂之尚書尚猶主也漢承秦制

及武帝遊宴後庭始用宦者主中書以司馬遷為之中

間遂罷其官以為中書之職至成帝建始四年罷中書

宦者又置尚書五人一人為僕射四人分為四曹通掌

圖書祕記奏章之事及封奏宣示內外而已其任猶輕

設官部

淵鑑類函卷七十三

尚書總裁



至後漢則為優重出納王命敷奏萬機蓋政令之所由  
宣選舉之所由定罪賞之所由正斯乃文昌天府眾務  
淵藪內外所折衷遠近所稟仰故李固云陛下之有尚  
書猶天之有北斗北斗為天喉舌尚書亦為陛下喉舌  
斗斟酌元氣運平四時尚書出納王命賦政四海賦布也  
令及左丞總領紀綱無所不統僕射及右丞分掌廩假  
錢穀隋志曰令統領之僕射副令又與尚書分領諸曹漢初尚書雖有曹名不  
以為號及靈帝以侍中梁鵠為選部尚書於是始見曹  
名總謂之尚書臺亦謂之中臺吳諸葛恪既定山越孫權使尚書僕射薛綜勞  
軍曰故遣中臺近官迎致犒賜云大事八座連名而有不合得建異議

自順帝永建元年初令三公尚書漢儀漢皆屬少府蔡質  
入奏事其八座具歷代尚書中漢儀曰凡三公列卿將大夫五營校尉行復道中遇尚書令  
僕射左右丞郎御史中丞侍御史皆引車先相迴避衛  
士傳不得近臺官臺官過乃得去至晉宋以魏置中書  
來尚書官上朝及下禁斷行人猶其制也

省有監令遂掌機衡之任而尚書之權漸減矣晉以後  
所掌略同八座丞郎初拜並集都省交禮遷職又解交  
本漢制也至於晉宋惟八座解交丞郎不復解交也梁  
果遷尚書殿中曹郎拜日八座丞郎並到宋曰尚書寺  
上省交禮而果至晚不及時刻坐免官宋曰尚書寺  
居建禮門內亦曰尚書省令若闕則左僕射為省主亦謂之內臺每  
八座以下入寺門生隨入者各有差不得雜以人士凡  
尚書官大罪則免小罪則遣出遣出者百日無代人聽

設官部

尚書總載

尚書總載

二



還本職宋顧琛為庫部郎以顧碩寄尚書張茂度聞名而碩與同席坐琛坐此遣出又宋制曰今朝

士詣三公尚書丞郎詣令僕射尚書丞郎並門外下車履度門闕乃納履也其令及二僕射

出行分道之制與中丞同令僕各給威儀十八人說在御史

大夫自晉以後八座及郎中多不奏事梁天監元年詔

曰自禮闈陵替歷茲永久郎署備員無取職事糠粃文

案貴尚虛閑空有趨墀之名了無握蘭之實曹郎可依

昔奏事自是始奏事矣又詔尚書中有疑事先於朝堂

參議然後啓聞舊尚書官不以為贈惟朱异卒特贈右

僕射武帝寵之故也周捨問劉杳尚書官著紫荷相傳云囊簪筆事武帝數十年注云自魏晉重中書之官居

囊橐也近臣簪筆以待顧問尚

喉舌之任則尚書之職稍以疎遠至梁陳舉國機要悉

在中書獻納之任又歸門下而尚書但聽命受事而已

後魏天興元年置八部大人於皇城四方四維面置一

人以擬八座謂之八國各有屬官分尚書三十六曹及

諸外置令大人主之崔元伯通署三十四年又復尚書

三十六曹天賜元年復罷尚書三十六曹別置武歸修

勤二職分主省務武歸比郎中修勤比令史至神麈元年始置僕射

左右丞及諸曹尚書十餘人各居別寺舊例尚書簿諸

城王澄為尚書時公車署以理冤事奏請直案澄執奏以為尚書政本特宜遠慎故凡奏所事閣道通之蓋以

祕要之切防其宣露寧有古制所重今反北齊尚書省

設官部

尚書總載

尚書總載

三



亦有錄令僕射總理六尚書事謂之都省亦謂之北省  
 後濟北王以太子監國立大都督府與尚書省分理眾  
 事仍開府置佐顯祖特崇此官以隋王守後周無尚書  
 隋及唐皆有其制略同凡尚書省事無不總龍朔二年  
 改尚書省為中臺咸亨初復舊光宅元年改為文昌臺  
 垂拱元年改為都臺長安三年又改為中臺神龍初復  
 為尚書省亦謂之都臺居中左右分司舊尚書令有大  
謂之都堂之東有吏部戶部禮部三行每行四司左司  
 統之都堂之西有兵部刑部工部三行每行四司右司  
 統之凡二十四司分曹共理而天下之事盡矣故事叔

不許同省為郎官格令不載亦無正敕貞觀二年十  
 月韋叔謹除刑部員外三年四月韋季武除主爵郎中  
 其年七月韋叔詣除庫部郎中太宗謂曰知卿兄弟並  
 在尚書省故授卿此官欲成一家之美無辭稍屈階資  
 其後同省者甚多近日非恩除拜即須相迴避當以準  
 今同司曹判及公檢之官不得用大功以上親若制敕  
 受者即申所司從早改左右僕射各一人總統左丞一  
 擬遂同別省亦罷也左右僕射各一人總統左丞一  
 人禮部十二司右丞一人掌轄兵部刑部左右司郎  
 中各一人員外郎各一人各掌副左右丞尚書六人戶  
 禮兵刑工六侍郎九人吏部戶部兵部各郎中二十八  
 部各一人吏部戶部兵部刑部各員外郎二十九人吏  
 人吏部戶部兵部刑部各員外郎二十九人吏  
 兵刑四部及左右司共三十餘都事六人以下各增  
 各一人并左右司共三十餘都事六人以下各  
 文獻通考曰五代時尚書都省在興國坊今梁太祖舊  
 設官部

設官部

洪武書林卷之十三

尚書總載

四



第宋太平興國中徙於利仁坊孟昶舊第頗弘麗中設都堂左右司左右丞郎中員外郎廳東西廊分設尚書侍郎廳事二郎中員外廳事六掌施行判命舉省內綱紀程式受付六曹文書聽內外辭訴奏御史失職考百官府之治以詔廢置賞罰曰吏部曰戶部曰禮部曰兵部曰刑部曰工部皆隸焉凡天下之務六曹所不能與奪者總而沒之應取裁者隨所隸送中書省樞密院事有成法則六曹準式具鈔令僕射丞檢察僉書送門下省畫聞審察吏部注擬文武官及封爵承襲賜勳定賞之事朝廷有疑事則集百官議其可否凡更改申明敕

令格式一司條法則議定以奏覆太常考功謚議亦如之季終具賞罰勸懲事付進奏院頒行於天下大祭祀則誓戒執事官設官九尚書令左右僕射左右丞左右司郎中員外郎各一人分房十曰吏房曰戶房曰禮房曰兵房曰刑房曰工房各視其名而行六曹諸司所上之事曰開拆房主受遣文書曰都知雜房主行進制敕自班簿具員考察都事以下功過遷補曰催驅房主考督文牘稽違曰制敕庫房主編檢敕令格式簡納架閣文書於紹聖二年詔在京官司所受傳宣內降隨事申尚書省或樞密院覆奏又詔尚書都省彈奏六察御史



糾不當者 事文類聚曰宋初鑒藩鎮之弊以尚書郎  
曹出領外寄尚書侍郎郎中員外郎皆為空官往往他  
官兼領熙寧詔新官制以六曹尚書侍郎為長貳元祐  
置權尚書 續文獻通考曰宋度宗咸淳八年起居舍  
人高斯得奏六曹尚書選用宜在得人其略曰尚書猶  
天之有北斗為天喉舌斟酌元氣運平四時信乎其為  
天下樞要也其長官則有令有僕射漢或以大將軍領  
尚書事其下有左右丞有六曹尚書蓋以萬機之繁故  
衆建官屬以綜理之章宗時韋彪上疏謂天下樞要在  
於尚書間者多從郎官超陞此位彪特指六曹尚書耳

若錄公及令僕乃百僚之長非彪之所指也是時諸尚  
書多以苛刻為能故又云天下樞要在尚書今超陞此  
位者徒曉習文法察察小慧而無大能夫樞要之地必  
忠厚純實知國家大體者然後可以綜理萬務補偏救  
弊為國家輯安靜和平之福消苛澆刻覈之風也今之  
彌綸省局者固亦得人然韋彪所言或尚有之又徘徊  
觀望不敢剴浚使樞要之地壅塞不通此今日之大患  
也 遼南面尚書省太祖嘗有左右尚書其後更設曰  
尚書令曰左僕射曰右僕射見宰相曰左丞曰右丞曰左  
司郎中曰右司郎中曰左司員外郎曰右司員外郎



金初尚書省設尚書令一員正一品總領紀綱儀刑端  
揆左丞相右丞相各一員從一品平章政事二員從一  
品為宰相掌丞天子平章萬機見宰相目左丞右丞各一員  
正二品參知政事二員從二品為執政官為宰相之貳  
佐治省事見宰相目左右司郎中員外郎各一員制見尚書左右司郎中  
中初入朝時執政官親執奏目天德二年詔以付左右  
郎中為定制廢帝正隆二年九月罷尚書省直省令  
史出為外官元世祖至元七年立尚書省八年并入  
中書二十四年復置詔天下除行省與中書議行餘并  
聽尚書省從便以聞二十八年復罷武宗至大二年復

立四年復罷入中書省明初置六尚書非古也自秦  
變周法天下之事皆決丞相府置尚書於禁中有令丞  
掌通章奏而已漢初因之職屬少府成帝時始置尚書  
五人是為五曹及後漢光武親總吏職天下事皆上尚  
書與人主參決乃下三府尚書令為端揆之官又分為  
六曹凡庶務皆會而決之以後職權益重部分日詳魏  
有五尚書晉有六尚書渡江以來定為吏部祠部五兵  
左民度支凡五尚書歷宋齊梁陳又加都官凡六尚書  
類隨宜建置無有常典惟隋制準為吏戶禮兵刑工六  
部尚書歷唐宋相因不改然較之周官六典猶有未盡



協者蓋周典六卿分職不相混壓而隋唐宋則為尚書省之屬官故結銜云尚書某部某官其稱尚書者省名也明初因前代之制置中書省設左右丞相等官天下政事皆由之出其屬有四部分治錢穀禮儀刑名營造之務太祖洪武元年始置吏戶禮兵刑工六部俱正三品衙門定尚書正三品侍郎正四品仍屬中書省至十三年鑒丞相胡惟庸等壅蔽革中書省於是中書之政分於六部又分大都督府為五而攝其樞要於兵部陞尚書正二品左右侍郎正三品雖並稱政府而名位不極事權不專天子之威福無下移蓋隱然周世六官之

職而獨冢宰不制國用司徒不掌邦教以此小異耳弘正以還內閣日益重而六尚書日益輕然老臣勲業稍重加三孤東宮三師若吏兵之長猶能與之抗至分宜之得政江陵之當國則部臣唯唯聽命矣大寶曆八年

書曰尚書總裁二曰尚書丞三曰尚書少丞

**原**初學記按敘尚書秦置也天文志斗魁六星曰文昌

天府漢因之漢猶隸少府魏晉以後故尚書為中臺謁

者為外臺御史為憲臺謂之三臺齊職儀云魏晉宋齊並曰尚書臺五代史志云梁陳後魏北齊隋則曰尚書省尚又韋昭辨釋名曰尚上也言最在上總領之也辨



云尚猶奉也百官言事當省案平處奉之故曰尚尚食尚方亦然應劭漢官儀曰尚書唐虞官也書曰龍命汝作納言朕命惟允漢明帝詔曰尚書蓋古之納言出納朕命機事不密則害成可不慎歟漢書百官表曰成帝罷中書官初置尚書員五人如淳曰主天子文書曰尚書如主壻曰尚主桓子新論曰昔堯試舜於大麓者錄天下事如今之尚書官矣宜得大賢智乃使處議持平焉謝承後漢書曰朱穆為尚書讜言正直華嶠後漢書韋彪疏曰欲急民所務當先除其患其原在尚書典樞機天下事一皆沒之不可不察東觀

漢記曰章帝東巡過任城乃幸鄭均舍敕賜尚書祿以終其身故時人號為白衣尚書魏志曰陳羣為尚書制九品為官人之法羣所建也王昶考課事曰尚書侍中考課一曰掌建六材以考官人二曰綜理萬機以考庶績三曰進視惟允以掌讜言四曰出納王命以考賦政五曰罰法以考典刑齊職儀曰尚書六人品第三秩六百石進賢兩梁冠納言絳幘朝服佩水蒼玉執笏負荷

尚書總裁三

原中臺上省上詳前敘十洲記曰崇禮門在東掖

設官部 尚書總裁



禮門內即尚書 天府 仙臺 天閣 禮闈 尚書省在神

仙門內王筠和劉尚書詩曰 仙臺 漢官志云尚書省在神

客館動秋光仙臺起寒霧 天閣 禮闈 宋元嘉起

書左丞表裴啓領曹郎中荀萬秋每設事緣私遊肆其

所之豈可復參列士林編名天閣請免萬秋所居官

李充懷愁賦曰在中秋之 天臺 畫省 傅元答下壺

遙夜兮直崇禮之禁闈 會文昌 周禮天官司會之職鄭元注

左丞彈八座以下居萬事之會斯乃皇朝之司直天臺

之管轄 蔡質漢官典職曰尚書奏事於明光殿省中

畫古烈士 曰司會 文昌 曰周禮天官司會之職鄭元注

重行書讚 曰司會 文昌 曰周禮天官司會之職鄭元注

大計計官之長若今之 出納詔命 通掌圖書 漢書

尚書矣 下詳前敘 謂之八座 王分為四曹 續漢書

曰尚書出納詔命齊 謂之八座 王分為四曹 續漢書

衆分增三公曹為二公其一曹主歲盡諸州郡事常侍

曹主選舉祠祀民曹主繕功作鹽池苑囿客曹主護駕

美胡朝賀二千石曹主詞訟中都官主水火盜賊與三

公為六曹并一令一僕二人謂之八座 下詳通典

增即古六卿

制法九品

魏志曰魏世事統臺閣重

六卿之任也 衛盧久居斯位 謙言正直 方毅廉貞

謝承後漢書朱穆為尚書 謙言正直 魏朗謇諤 荀

續漢書黃琬方毅廉貞為尚書 謙言正直 魏朗謇諤 荀

緄寬敏 謝承後漢書曰魏朗字少英入為尚書再升紫

書緄性明寬敏於眾職以屬羣僚秉機平正 宜擇溫

直道而行是時內外公卿大夫莫不敬憚 宜擇溫

厚 妙選德望 唐高馮傳貞觀初上五事曰如尚書八

任之尚樸素革浮偽使家識孝慈人知廉恥自然禮節

興矣 通鑑元宗欲用牛仙客為尚書張九齡諫曰不

可尚書古之納言有唐以來多用舊相居之不然歷踐



蹇之節宜擢喉舌  
之官由是拜尚書

尚書總載四

原唐虞曰納言周官為內史

漢官解詁云唐虞曰納言周官為內史機事所總號

令倣

管主喉舌

尚書注曰納言管主喉舌也

王之喉舌

見揚雄

典機密

應劭漢官儀云尚書唐虞此官典機密也

統庶事

應劭云侍中主喉舌

萬機無不理尚書統

萬事之本

晉康帝起居注詔曰尚書萬事之本朕所

責成也而廩秩儉薄甚非治體今雖軍國多費不為

元凱惜祿其依令僕給尚書各親信五十人廩賜

八座之任

晉書蔡謨為尚書上疏讓曰八座之任非賢

清節令才少著名望臣守小郡名輩不同階級殊懸今

猥以輕鄙超倫踰等上亂聖朝魚貫之序下違羣士準

戒實昭聖政惟塵之累

士之權貴

漢官解詁云士

書士之樞機

皇甫謐集云尚書

出入王命

傳子曰尚書出

入王命喉

補我袞闕

摯虞尚書箴曰山甫輔周靡

八元八凱

左傳云昔高陽氏有才子八人蒼舒隤欽禱

篤誠天下之民謂之八凱高辛氏有才子八人伯奮仲

堪叔獻季仲伯虎仲熊叔豹季狸忠肅共懿宣慈惠和

天下之民謂之八元齊職儀曰舜舉八元八凱今號八

座為元凱謝靈運晉書曰八座參攝百揆古元凱之任

原箴漢揚雄尚書箴曰允敕百工命作齋慄龍惟納言

樞機是密出入王命王之喉舌獻善宣美而讒說是折

我視云明我聽云聰載夙載夜惟允惟恭故君子在室

出言如風尚書總載







沃淮海發蒙去老已若松喬匪富伊榮須臾至此賞參  
十亂躬越五水歷覽前載孰與爲匹蕭子範爲兄宗  
正讓都官尚書表曰納言之授皇命所由五星懸曜差  
池紫宮之曲百官根本聯曹建禮之內孔蔡詣博垂芳  
於兩京陳鍾令才比肩於魏世逃望前英俯循庸薄義  
無尸素理絕祗奉魏徐陵讓五兵尚書表曰臣聞仲尼  
大聖猶云書不盡言士衡高才常稱文不逮意臣比衰  
病自積思緒茫然頻託朋遊爲裁章表雖復陳琳健筆  
未盡愚懷孫惠辭人頗加煩飾所以高天緬邈弗降昭  
回瞻拜絲綸更增憂憊臣雖不敏弱冠登朝伊昔承華

豫遊多士晚逢興運爰濫寵私爾時四郊多壘七雄分  
爭國家制度日不暇給趙宮論受命之宜隨邑奏升壇  
之禮而參聞祕計弗解單于之兵飛箭馳書未動聊城  
之將不期枚乘老叟忽降時恩馮唐暮年見申明主擢  
宰京邑朝坐棘林遂致洛陽無雨非比長安多盜其宜  
屏錮用寘嚴科猶處名僚久爲叨竊但著書天祿雖如  
劉向朔望登朝轉同王隱其於朽劣尚可從容司會文  
昌邈然非據開元自隋至大至其味與蕭也又  
大百錄尚書一古錄軍並酌尚書事  
原漢武帝時左右曹諸吏分平尚書奏事知樞要者始



領尚書事張安世以車騎將軍霍光以大將軍王鳳以  
大司馬師丹以左將軍並領尚書事

張安世領尚書事職典樞機以謹慎

周密自著每言大政已波輒病移出聞有詔令乃驚使吏之丞相府問焉自朝廷大臣莫知與議也又孔光字子夏領尚書事凡典樞密十餘年守法度修政事不希苟合問溫室省中樹皆何木也光荅以他語其謹密

如後漢章帝以太傅趙熹太尉牟融並錄尚書事尚書  
有錄名蓋自熹融始亦西京領尚書之任唐虞大麓之  
職也和帝時太尉鄧彪為太傅錄尚書事位在三公上

漢制遂以為常每少帝立則置太傅錄尚書事猶古冢  
宰總己之義薨輒罷之

鄧彪錄尚書事後以老病上還樞密職又李固張禹張防並

錄尚書事自魏晉以後亦公卿權重者為之職無不總

晉康帝時

何充讓錄表曰咸康中分置三錄王導錄其一荀崧陸  
曄各錄二條事晉江右有四錄則四人參錄也江右

張華江左庾亮並凡重號將軍刺史皆得命曹授用惟  
不得施陳及加節宋孝武孝建中不欲威權外假省錄

大明末復置此後或置或省齊世錄尚書及尚書令並

總領尚書臺二十曹為內臺主行遇諸王以下皆禁駐

號為錄公齊明帝為宣城王錄尚書廢帝昭高帝崩遺

詔以褚彥回錄尚書事江左以來無單為錄者有司擬

立優策王儉議宜有策書乃從之

王儉議以為見居本官別拜錄推理應有

策書而舊事不載中朝以來三公王侯則優策並設官  
品第二策而不優優者褒美策者兼明委寄尚書職居  
天官政化之本故尚書令品雖第三拜必有策錄尚書  
品秩不見而總任彌重前代多與本官同拜故不別有

設官部

洪金類考卷之十三

錄尚書

古



策即事緣情不容均之凡僚宜有策書北齊錄尚書一  
用申重寄既異王侯不假優文從之

人位在令上掌與令同俱不紀察自隋而無  
錄尚書二宜亦策書八錄之

原應劭漢官儀章帝詔曰司空牟融典職六年勤勞不  
怠其以融為太尉錄尚書又和帝策書曰故太尉鄧

彪元公之族三讓彌高海內歸仁為羣賢首其以彪為  
太尉錄尚書事百官總己以聽又殤帝策書曰司徒

徐防以臺閣機密施政牧守其以防為太尉錄尚書事  
百官總己以聽又冲帝策書曰太尉趙峻二世常典

機衡有匪石不貳之心大司農李固公族之苗忠直不

回今以峻為太傅固太尉參錄尚書事又靈帝策書

曰故太尉陳蕃忠亮謇諤有不吐不茹之節司徒胡廣

惇德允元五世從政今以蕃為太傅與廣參錄尚書事

王隱晉書曰賈充為太尉錄尚書五年伐吳為大都

督吳平上遣侍中程咸犒勞增邑八千戶書晉中興書

曰明帝后庾氏為皇太后九月癸丑皇太后臨朝稱制

司徒王導錄尚書事又太初元年詔曰會稽王體道

冲虛識理明允登顯親賢國之典也其以為丞相錄尚

書入朝不趨贊拜不名劔履上殿沈約宋書曰高祖

永初三年尚書令揚州刺史徐羨之為司空錄尚書事



又曰孝武帝即位以大將軍江夏王義恭為太尉錄  
尚書事不又曰諸公錄尚書事古制也王肅解尚書納  
于大麓曰堯納舜於尊顯之官使大錄萬機之政案漢  
氏諸吏平尚書奏事後霍光以大司馬大將軍平尚書  
事即傅暢故事曰何劭王戎張華裴楷楊濟和嶠為愍  
懷太傅通省尚書事張華為光祿大夫尚書七條事皆  
諮而後行惠帝之世太保衛瓘太宰河間王顥太傅東  
海王越皆錄三省尚書祕書事

**原錄六條**晉中興書云會稽文孝王以錄尚書六條開  
府領司徒又領揚州錄尚書事公卿奏進位

丞相揚州牧 **參七牒**沈約宋書晉惠帝初使尚書七  
牒大事經關張華有異得不識

**宜參機衡**晉起居注云元康元年誅楊駿詔曰司徒  
王渾秉法從王思量弘遠歷位外內文武

勳庸著在方策宜參弼機衡 **宜贊朝政**又太興二年  
八月詔司徒

荀組宜贊朝政令錄 **初總萬機**王隱晉書云司馬景  
王為撫軍大將軍侍

郎都督中外諸軍錄尚書事上 **恒總萬機**晉中興書  
王遵為驃

初總萬機正身平法朝政肅然 **職典樞機外內**

騎揚州領中書監錄尚書事時丞相參佐羅弘父母沒  
賊賊平不奔喪又中丞熊遠尚書周顥等以署過其事

為有司所奏遵上疏請免錄中宗令 **職典樞機外內**

曰卿恒總萬機何解錄除節而已 **處羣**

**無間**漢書張安世拜大司馬車騎將軍領尚書  
事職典樞機以謹慎周密自著外內無間

**僚右眾望漸服**蜀志蔣琬字公琰錄尚書事時新喪元  
帥遠近危悚琬出類拔萃處羣僚之右

既無戚容又無喜色神守舉 **桓焉太傅入授**華嶠後  
漢書桓

設官部

官部

錄尚書

六



馬明經篤行有名稱以尚書授安帝拜太傅錄尚書復入授順帝於禁中因宴見奏宜引三公尚書入省事天子從

李固太尉參錄

詳太尉

司馬元顯為西錄

晉書云司

馬道子日飲醇酒而委事於司馬元顯既而孫恩乘豐作亂加道子黃鉞元顯為中軍以討之又加元顯錄尚書事然道子政無大小一委元顯時謂道子為東錄元顯為西錄西府車騎填湊東第門下可設雀羅矣

桓元遙錄尚書事

晉中興書云元興八年桓元用事出鎮姑孰雖名在外實遙錄尚書事也

錄尚書四

平去陳如尚書事上

原表齊謝朓明帝拜錄尚書表曰升降玉階對揚休命

六轡在手千里何偕司會天官之統尚書百僚之本弘

之即庶績惟凝替之則彝倫斯敷修身踐言本慙五美

果行育德未階六正妾屬負圖之寄多謝五仁之績操

檜楫於龍津荷梓梁於雲構無以輔位明堂遺像麟閣

原啓陳徐陵安成王讓錄尚書表後啓曰臣聞間平就

國乃盛漢之常儀邠霍無官實宗周之明典何則皇季

之重非待歷階王爵之隆自高羣辟況臣戢翼要荒亟

離寒暑進慙趙勝能定楚從退匪齊文馳免秦厄固以

內切皇心外貽家恥甘輸重餌降禮單于邈城十五如

請和僻市鄉三十聊同寶劔武夫力而獲諸原微臣還

而反諸敵瞻言馬駿著隴右之功追念曹彰克烏丸之

鹵前王子弟若此勲庸偏其反而豈可勝媿

尚書令

設官部

尚書令

尚書令

三



原杜氏通典曰殷湯制官有冢宰伊尹制官以三公攝冢宰君薨則

百官總已以聽於冢宰周之冢宰為天官掌邦之理六

卿之職總屬焉於百官無所不主至秦置尚書令尚主

也漢因之銅印青綬武帝用宦者更為中書謁者令成

帝去中書謁者令官更以士人為尚書令時弘恭石顯相繼為中書

令專權邪僻前將軍蕭望之領尚書事建言以為尚書

百官之本國家樞機宜以通明公正者處之武帝遊宴

後庭故用宦者非古之制也宜罷中書宦者後漢眾務悉歸尚書三公但受

成事而已尚書令主尚書曹奏下眾事而為臺主與司

隸校尉御史中丞朝會皆專席而坐京師號曰三獨坐

故公為令僕射者朝會不陞奏事天子封禪則尚書令

奉玉牒檢兼藏封之禮郭伋遷尚書令處職機密數納忠諫陳忠為尚書令前後所

奏悉條於南宮閣上以為故事郭賀字喬卿為尚書

令百姓歌之曰厥德仁明郭喬卿忠正朝廷上下平

左雄字伯豪為中書令自雄在尚書天下不敢謬選十

餘年間稱為得人自雄掌納言多所正肅荀彧字文

若為尚書令居中持重焚毀故案奇策密謀不魏晉印

得盡聞又舉荀攸可以代已後攸為尚書令魏晉印

綬與漢同受拜則策命之以在端右故也太熙元年詔曰夫總百揆

之得失管王政之開塞者端右之職也是以自漢以來

慎選其人議郎王戎可為尚書令又熊遠啓曰伏見

荀組為尚書令復領荊州牧自三代以魏晉以下任總

來未聞以納言之官而出領牧伯者魏晉以下任總

機衡事無大小咸歸令僕宋孝武元年詔曰尚書百官

曹局司有任自頃事無巨細悉歸令僕非齊梁舊用左

所以詔能濟業更可明體制責厥成也僕射美遷司空謝朓字敬仲徵為司徒尚書令朓辭脚

設官部

尚書令

尚書令

尚書令



既見乘小梁陳並有之後魏北齊掌彈紉見事與御史

輿就席中丞更相廉察隋亦總領眾務唐尚書令朝服鷩冕八

旒七章三梁冠武德初太宗為秦王時嘗居之其後人

臣莫敢當故自龍朔三年制廢尚書令至廣德中郭子儀勲業既盛乃

特拜焉子儀以文皇帝增初學記曰案敘尚書令者

曾居此位固讓不敢受

秦官漢因之漢官云漢初並用士人為尚書令秩二千

石後漢書百官志云尚書令一人本注曰承秦所置荀綽晉百官表注曰尚書令唐虞官也毛詩云仲山甫

出納王命王之喉舌謂此晉公卿禮秩云尚書令拜則冊命薨則於

朝堂發哀五代史百官志云尚書令至梁加秩中二千

石漢官云尚書令秩二千石公為之增置二千石秦漢秩有比二千石二千石真二千石中二千石凡四等

比二千石月得粟百石二千石月得粟百二十石真二千石月得粟百五十石其下三等雖號二千石其數實

不至也唯中二千石月得粟百八十石率一歲得粟二千一百六十石中猶滿也言其滿二千石然則古三石

今一石耳至陳加品至第一其後並因之而不改自魏以來尚書令品

並第三原齊職儀曰秦漢之世委政公卿尚書之職掌

於封奏令贊文書僕射主開閉令不在則僕射奏下其

事魏主重內職八座尚書任同六卿舜舉八元八凱以

隆唐治今號八座為元凱謂曰賢能用事義如昔也

**增**文獻通考曰令在唐為正二品朱梁置為正一品宋

淳化三年升在三師上掌佐天子議大政奉所出命令

而行之其屬有六曹凡庶務皆會而決之凡官府之紀

設官部

尚書令



綱程式無不總焉大事三省通議則同執政官合班小事尚書省獨議則同僕射丞分班輪奏若事由中書門下而有失當應奏者亦如之與三公三師侍中中書令俱以冊拜自建隆以來不除惟親王元佐元儼以使相兼領不與政政和二年詔尚書令太宗皇帝曾任今宰相之官已多不須置宣和七年設復置令亦虛設而已容齋洪氏隨筆曰中書尚書令在西漢時爲少府官屬與太官湯官上林諸令品秩略等侍中但爲加官東漢亦屬少府而秩稍增尚書令爲千石然銅印墨綬雖居機要而去公卿甚遠至或出爲縣令魏晉以來浸以

華重唐初遂爲三省長官居真宰相之任猶列三品大曆中乃升正二品入國朝其位益尊班敘至在太師之上然只以爲親王及使相兼官無單拜者見任宰相帶侍中者才五人范公質趙韓王普丁晉公謂馮魏公拯韓魏王琦尚書令又最貴除宗王外不以假人趙韓王韓魏王始贈真令韓公官止司徒及贈尚書令乃詔自今更不加贈蓋不欲以三師之官贅其稱也政和初蔡京改侍中中書令爲左輔右弼而不置尚書令以爲太宗皇帝曾任此官殊不知乃唐之太宗爲之故郭子儀不敢拜非本朝也續文獻通考曰遼南面尚書省嘗



有左右尚書其後更設曰尚書令曰金尚書省設尚書  
令一員正一品晉元世祖至元七年立尚書省後并入  
中書計事文類聚曰元尚書令一人正一品令明無尚  
書令官世祖蓋不欲以三師之官替其餘也如味味蔡  
韓贄尚書令二令韓公官也后封又觀尚書令八師自  
**原**漢書曰張安世字子孺少以父任爲郎因善書令給  
事尚書精力於職休沐未嘗出上行幸河東亡書三篋  
詔問莫能知惟安世識之具作其事後購求得以相校  
無所遺失上奇其才擢尚書令益東觀漢記曰侯霸爲  
尚書令深見任用樊准爲尚書令明習漢家舊事周密

畏慎申屠剛爲尚書令蹇蹇多直言無所屈撓是又曰  
永平七年宋均徵爲尚書令忠正直言數納策謀每駁  
議未嘗不合主意張璠漢書曰左雄爲尚書令限年  
四十先試經然後舉孝廉續漢書曰陳蕃出爲豫章  
太守性方峻不接賓客徵爲尚書令送者不出郭門  
後漢鄭弘爲尚書令前後所有補益於政者皆著之爲  
南宮故事漢雜事曰尚書黃香爲東郡太守乞留宿  
衛拜爲尚書令秩二千石文漢官儀職曰尚書令主贊  
奏總典綱紀無所不統秩二千石常百官表曰尚書令  
是謂文章天府銅印墨綬五時朝服納言饋進賢兩梁



冠佩水蒼玉總攝諸曹出納王命敷奏萬機魏志曰  
明帝即位進陳矯為尚書令車駕常幸至尚書門矯跪  
曰陛下何之帝曰欲案行文書耳矯曰此自臣職分非  
陛下所宜臨也若臣不稱其職則請就黜退陛下宜還  
帝慙迴車而返書又曰太祖進荀彧為漢侍中守尚書  
令又曰裴潛為尚書令奏正分職簡名實出事使斷  
官府者百五十餘條費禕別傳曰禕代蔣琬為尚書  
令以朝晡聽事其間接納賓客加之博奕每盡人之歡  
後董允代之旬日之間事多讐稽允曰人之才力相懸  
若此由曹羲九品議曰尚書尊官也龍作納言易曰樞

機之發榮辱之主漢和帝時南陽左雄為尚書令在位  
者各自肅清時稱曰左伯豪為尚書天下皆慎選舉選  
舉所知自其職也晉山濤啓事曰尚書令李膺遷處缺  
宜得其人征南將軍羊祜體儀玉立可以肅整朝廷  
王隱晉書曰樂廣為尚書令所在無當時之功譽然為  
後人所思帝又曰咸寧二年李膺為尚書令雖歷職內  
外家室至貧儉兒病無以市藥上賜錢十萬增魏氏  
春秋荀攸字公達為尚書令從太祖征伐常謀謨帷幄  
時入對子弟莫知其所言太祖每稱之曰公達外愚內  
智外怯內勇外弱內強不伐善無施勞知可及愚不可



及雖顏回甯武子不能過也又曰文帝在東宮太祖謂曰荀公達人之師表也汝當盡禮敬之彼曾病世子問疾獨拜牀下其見尊異如此晉書荀勗守尚書令課試令史以下覈其才能有闇於文法不能決疑處事者即時遣出帝嘗謂曰魏武帝言荀文若之進善不進不止荀公達之退不肖不退不休二令君之美亦望於君也宋書武帝踐阼王瑩遷尚書令時有猛獸入郭上意不悅以問羣臣皆莫能對瑩在御筵乃斂版對曰昔擊石拊石百獸率舞陛下應錄御圖武象來格帝大悅衆咸服焉唐書廣德元年代宗以親賢有大勳特拜

尚書令 太平廣記載五代史梁開平三年詔外尚書令為正一品按唐典尚書令正二品至是以將授趙王鎔此官故外之 續文獻通考曰遼蕭思話以女冊為后加尚書令封魏王

原八座 三獨 上詳尚書總 專席 迴車 上詳通典 下詳前

黑輅 絳服 徐廣車服儀制曰尚書令輅 方峻

博朗 尚書令協抗志高亮才鑿博朗朕甚嘉之

在位肅 舉朝憚 上詳前二 晉中興書曰下壺為尚

鈔 納言幘 進賢冠 並詳 黑耳車 彤管珥 上詳

設官部 尚書令







相御史為冠今者尚書令總周之冢宰曹嘉之晉紀云荀勗守尚  
 此三者非臣駑闇所宜忝竊尚周之冢宰曹嘉之晉紀云荀勗守尚  
 書令詔曰周之冢宰今尚書令皆古百揆之任以其亮  
 采惠疇熙帝之載實允於此勗肆力先朝庸勳超格受  
 終之揆協於大麓憲範王猷晉書陳郡謝石字石奴  
 故受以此位也憲範王猷遷尚書令上疏遜位曰  
 尚書令國之總司總括百揆憲範王猷明習漢制漢  
 式是羣辟故必簡德而拔量才而授明習漢制書  
 孔光為博士選三科高第為尚書觀故事品式數歲明  
 習漢制及法令上甚信任之轉為僕射尚書令有詔光  
 周密謹慎百揆之首晉起居注武帝詔曰尚書令百  
 未嘗有過百揆之首揆之首總參機衡出納朝政治  
 績之所由也車騎將軍賈充忠允清正通理端右之  
 經遠口迪文武謨勲弘著其以充守尚書令端右之  
 重晉書王恭傳云司馬道子集朝士置酒於東府尚書  
 令謝石因醉為委巷之歌恭正色曰居端右之重集  
 藩王之第而肆淫歌欲令掌曹文書後漢百官志尚  
 羣下何所取則石深銜之掌曹文書書令一人掌凡  
 選署及奏下尚書條奏善政故典朝廷又少舊臣霸習  
 書曹文書眾事

明故事收錄遺文條奏前世善奏崇經術又左雄字  
 政法度有益於時者皆施行之奏崇經術伯豪為尚  
 書令奏令崇經術郡國耆儒年六十已上為郎不  
 滿四十不得察舉若茂才異行不拘年齒帝從之浚  
 謨帷幄見壽字伯考為尚書令朝廷有疑議常獨進  
 進善疾惡楊淮字伯川拜尚書令秉心正直志在匡  
 益晉中興書云刁協為尚書加金紫光祿典在樞機  
 謝承後漢書云王防字文始為尚書令典在樞機竭忠  
 於國數陳便益議判時政以補闕失言旨切直多見納  
 省正身機密又云鄧儒字伯祖補尚書正色於朝  
 晉中興書卞壺明帝時為尚書令與王導等俱受顧命  
 輔幼主成帝即位羣臣進壺司徒王導以疾不至壺正  
 色於朝曰王公豈社稷之臣耶大行在殯嗣皇未立  
 寧是人臣辭疾之時專任無敬事寢不行舉朝憚之  
 數犯顏色續漢書云申屠剛拜侍御史遷尚書令在尚  
 書數犯顏色正色百寮憚之常慕史鱗汲黯之

設官部

尚書令

尚書令

尚書令



為數有直言謝承後漢書云唐約字仲謙拜尚書開

美策每作表疏皆自手書之不宣於外處官不言貨

利之事當法不阿所私京師謠曰治身無嫌唐仲謙

號為補職華嶠後漢書云黃瓊遷尚書

傳云又字伯陽為尚書令眾事無宿門無停賓歷職內

外治身儉約謙靜少言為政簡而不煩號為清能然持

法刻深好用文俗吏故

居大位聲名損於郡縣

慎拜尚書令有故官下卿刺史二千石為讒謗所廢者

以次徵用奏罷中官貴臣子弟在官者國教肅清朝無

政善周榮盡心奉職

沈勳名冠百僚

百僚呂又節儉自守

之好以節謝石脚疾於府綜攝

儉自守謝石脚疾於府綜攝

疾不敢朝拜乞依故尚書王

彪之例於府綜攝詔從之

晉紀云王述不拜中書監患

脚就拜尚書令於府攝事也

荀彧為漢侍中守尚書令常居中持重

太祖雖征伐在外軍國事皆與或籌焉

不得判晉中興書琅邪王錄云王彪之字叔虎遷尚書

所不能沒者咨之

王公無不立判也增呼為筆公

飛白題尚書宋書王僧虔為尚書令嘗為飛白書

之不已則溢高之不已則慄弛之不已則躓引之

不已則迭是故去之宜疾當時嗟賞以比座右銘

林無尚書令五不升指發言

原箴晉摯虞尚書令箴曰明明先王開國承家作制垂

憲仰觀列曜俯令百官政用罔憊昔舜納大麓七政以

設官部

尚書令

卷之三

三



齊內成外平而風雨不迷山甫翼周靡剛靡柔補我衮  
職闡我王猷王猷允塞而四海咸休雖曰聖明必賴良  
材無曰我智官不任能發言如絲其出成綸千里之應  
樞機在身世季道缺天綱縱替既無老成改舊法制法  
制不循不長厥裔尚臣司臺敢告侍衛初學作張華  
**原碑**後漢潘勗尚書令荀彧碑曰夫其爲德也則主忠  
履信孝友溫惠高亮以固其中柔嘉以宣其外廉慎以  
爲己任仁恕以察人物踐行則無轍跡出言則無辭費  
納規無敬辱之心機情有密靜之性若乃奉身蹈道勤  
禮資德後之事間匪云予克然後教以黃中之叡守以

貞固之直注焉若洪河之源不可竭也確焉若華嶽之  
停不可拔也故能言之斯立行之斯成身匪隆污直哉  
惟清素綱用亂廢禮復經於是百揆時序王猷允塞告  
厥成功用俟萬歲

**原表**後魏溫子昇代臨淮王彧謝封開府尚書令表曰  
臣道媿山東氣慙隴右激水弗功搏風無力但以平原  
帶地資緒極天發趾自高理翮以遠出臨侯服既乏刺  
舉之能入踐帝闈又無應對之美空復受戈清廟推轂  
朱門孝闕淚河功慙汗海大寶遠降橫草未樹顧以有  
涯願言知止乘又爲魏南陽王元寶炬讓尚書令表曰



臣聞立而托乘乃成致遠之功坐以運舟遂有利涉之用若以輕任重課憑虛責實雖欲自勤終焉靡效梁范雲為柳司空讓尚書令初表曰陛下繼明南面復垂顯錄增榮益觀豈測身限而露不廣海塵不增山微物知止敢忘自退誠以懷音感遇久妨彝序尸祿昧寵取蹈風歌中寐軫心方餐凝慮寧可冒釐綜之重負學製之談將玷朝徽匪伊身議 第二表曰臣聞聖人在上愚智無以息隱天下有道方圓歸其能是如以駑蹇之才不致問於千里瓦礫之質佇待價於十城伏願陛下矜臣負乘之尤照臣匪飾之情迹言觀用允授上才斂

惠流恩曲蠲下第則雲序斯平彝章載穆文沈約拜尚書令到都上表曰竊位之譏允當斯責王命私請有事相傾油雲湛露徒降旻昊之德弱縞輕蟬不載丘嶽之重登階望席恍焉失步 北齊邢子才為文襄皇帝讓尚書令表曰揚職萬機總任百揆懸衡庶物準納羣僚何以助日月之光華增天地之高厚反鑒取照匹此何難倒裳求領方之為易 又表曰正以晝覽太山不假秋毫之察夜仰列宿豈藉燭龍之明爵人以世既非盛德之舉公門有私故是陵夷之運 陳江總讓尚書令表曰臣弱歲立朝本無奇志每謂任登常伯足承基緒



值梁季不造收拙人間東竄三江南徂百越不知秦漢  
十有七年心跡退黜平生畢矣但野性疎懶不屑死增  
俯仰乖時太物多忤天飛踐阼任寄隆重謬以商丘之  
木遂比舟楫之材燕岱之石混同瑚璉之器當由崇賢  
使舉早守名節竊以天府文昌萬方之藪天官冢宰無  
所不統禮尊三獨事昭百揆曠職云久三十餘載一旦  
開置必資望實豈期廷典私偏濫庸菲薄陛下聽覽餘  
辰曲垂昭納遂斯反汗高選具瞻則敝蓋敝帷使臣暮  
齒歲制月制賒臣皓髮不以一怠誤責王命味前本意

**原冊文**陳後主授江總尚書令冊文曰夫文昌政本司

會治經韋彪謂之樞機李固方之斗極況其五曹斯綜  
百揆是諧同冢宰之司專臺閣之任惟爾道業標峻宇  
量弘深勝範清規風流以為準的儒宗學府衣冠以為  
領袖故能師長六官具瞻允塞明府八座儀刑載遠其  
端朝握揆朕所望焉往欽哉懋建爾徽猷亮采我邦國  
可不慎歟

**原啓**陳江總除尚書令謝臺啓曰竊以昔之冢司今日  
端揆頃同台袞無人則闕臣之朽薄安可叨貴謹當奏  
承夜月冀奉三思之旨聲寄浮雲方祈九天之路其又  
除尚書令斷表後啓曰司會治本冢宰朝端搢紳所屬



儀刑攸在皇代以來無人則闕陛下將備厥職用穆臣僚不容始自庸菲以謹物議當今藩翰至戚不無其才廊廟重臣亦有其器伏願檢一作慎俞往之則闡平章之道臣必心布款有理存焉

淵鑑類函卷七十三具韻久塞明和八聖對陳燿靈其量以彩翻彈肅賦風流以為華的謝宗學林亦以爲會古聖章然臨之蘇蘇李固方之士其五曹棋器

淵鑑類函卷七十四

設官部十四

尚書僕射 尚書左右丞

尚書僕射一

原杜氏通典曰僕射秦官漢因之自侍中尚書博士郎

皆有之古者重武官有主射以督課

古者重武官以善射者掌政事故曰

僕射僕射者僕役於射也

軍屯吏騶宰永巷宮人皆有取其領事之

號

凡此諸官皆有僕射隨所領之事以為號也若

成帝

建始元年初置尚書五人以一人為僕射主封門掌授

廩假錢穀後漢尚書僕射一人署尚書事令不在則奏

下眾事印綬與令同

自漢以下章服並與令同

獻帝建安四年以執



金吾榮劭為左僕射衛臻為右僕射僕射分置左右蓋

自此始鍾離意拜尚書僕射嘗賜胡侍子縑當三十匹尚書郎受詔誤以三百匹上怒召郎欲鞭之意

入曰臣位大罪重郎位小罪輕臣當先坐然後及郎遂

相及德陽殿成百官大會上笑經魏至晉於江左省置

無恒魏徐宣字寶堅為左僕射加置二則為左右僕射

或不兩置但曰尚書僕射令闕則左為省主若左右並

闕則置尚書僕射以主左事置祠部尚書以掌右事則

尚書僕射祠部尚書不恒置矣若無令則左僕射為省

則直置僕射在其宋尚書僕射勝右減左右居二者之

間僕射職為執法置二則為左右執又與尚書分領諸

曹兼掌彈舉王弘為僕射奏彈謝靈運力人桂興淫其

臺舊體不得用風聲舉彈此事彰赫暴齊左右僕射行

則分道左僕射領殿中主客二曹諸曹郊廟園陵車駕

文武舉補滿敘疾假事其諸吉慶瑞應眾賀災異賊發

眾變臨軒策命改號格制泄官銓選凡諸除署功論封

爵貶黜入議疑讞通關案則右僕射領祠部儀曹

左僕射主右僕射次經之黃案左僕射上署右僕射次署凡僕

儀曹儀典禮學武官除署移并城邑人戶復除家宅田

地興工創架運寫拘慮刑獄聽訟百工免遣通關及案

奏事則右僕射主射掌朝軌尚書掌獻奏都丞任在彈違

設官部

尚書僕射

尚書僕射

二



齊梁舊制右僕射遷左僕射左僕射美遷令其僕射處

於中陳亦然後魏二僕射左居上右居下令僕中丞騶

至於馬道及郭祚為僕射以為非盡敬之宜乃奏請御

在太極騶唱至止車門御在朝堂止司馬門騶唱不入

宮自此始也又朱仲遠為行臺僕射請準北齊僕射

朝式在軍鳴騶廢帝笑而許之其肆情若此職為執法置二則為左右僕射皆與令同左糾彈而右

不糾彈隋文帝開皇三年詔左右僕射從二品左掌判

吏部禮部兵部三尚書御史糾不當者兼糾彈之右掌

判都官度支工部三尚書又知用度餘並依舊楊素為

與高頴專掌朝政後文帝漸疎忌素詔曰僕射國之宰

輔不可躬親細務但三五日一度向省評論大事示崇

重實奪其權也終仁唐左右二僕射因前代本副尚書

壽之末不復通省事

令自尚書令廢闕二僕射則為宰相故太宗謂房元齡

杜如晦曰公為僕射當洞開耳目訪求才賢是為宰相

弘益之道今以波辭聽訟不暇豈助朕求賢之意乃令

尚書細務悉委於兩丞其冤濫大故當奏聞者則關於

僕射及貞觀末除拜僕射必加同中書門下平章事及

參知機務等名方為宰相不然則否然為僕射者亦無

不加焉至開元以來則罕有加者自開元以來始有單

為僕射不兼宰相者初龍朔二年改左右僕射為左右匡政咸通元年復舊

官品第四上元三年閏五月制尚書省武后改二僕射

設官部

尚書僕射

三



左右僕射二年九月敕門下及都省宜開元元年改為

左右丞相從二品統理眾務舉持綱目總判省事四月

敕在京有訐冤者並於尚書省陳牒所司為理若稽延致有屈滯者委左右丞及御史臺訪察聞奏如未經尚

書省不得輒入御史糾不當者兼得彈之至天寶元年

復舊議曰按僕射秦官其任則微其職甚細東漢以後

雖委任漸重職司會府而非百寮師長之職也又按丞

相亦秦官秦氏每羣臣上表皆云丞相臣某為首漢之

宗臣蕭何為丞相漢儀丞相進天子御座為起在輿為

下有疾法駕至第問得戮二千石申屠嘉欲斬內史鼂

錯是也霍光受顧託之重當伊周之地廢昌邑王上表

太后丞相敞為首大司馬大將軍臣光次之其尊崇如

此中間嘗置左右丞相亦嘗改為相國亦為大司徒大

抵漢之丞相是為三公於天下無所不統後漢亦以三

公為宰相則司徒本西漢丞相也後或為丞相或為相

國或為大丞相雖互為之名其實一也曹公司馬師昭

趙王倫王敦王導劉義宣齊高帝梁武帝爾朱榮侯景

陳武帝齊獻武隋文帝皆為之歷代多非尋常人臣之

職亦多為贈官然自秦以降實居百僚之長今尚書令

總領眾務舉持綱目僕射貳之誠為崇重且非統國政

宰天下之任宜侍中中書令如直以尊崇則太師不然



上公太尉始可師長命百寮也龍朔中天寶初嘗改侍  
中中書令爲左右相遠協伊尹仲虺爲左右相周公召  
公相成王爲左右之義斯誠允當或謂尚書令僕射錄  
尚書之職是官之師長按前代錄尚書霍光張安世王  
鳳趙熹牟融鄧彪張禹李固王導褚彥回齊明帝之徒  
或是丞相或是三公或是大將軍大司馬兼之皆秉朝  
政猶古冢宰百官總已實宰輔也其時別有令僕今僕  
射雖嘗改爲丞相名同而職異品秩又未崇極上有三  
師三公尚書令七人豈得比前代丞相受任也其襲舊  
名無實者若今刺史皆云使持節按前代使持節得戮

二千石其王公以下封國皆南面臣人分茅建社其開  
府儀同三司則禮數班秩皆如三公置府辟吏今並豈  
有實乎此例甚衆不能徧舉安有僕射因改丞相之名  
都無丞相之實而爲百寮師長也又與丞郎絕禮若不  
隔品致敬則諸司長官與隔品寮屬其可絕禮乎斯不  
然矣 **增**唐制曰唐因隋制以三省之長中書令侍中  
尚書令共議國政此宰相職也後以僕射爲尚書省長  
官與侍中中書令號爲宰相品位既崇不欲輕授人常  
以他官居宰相職而假以他名 **六典**曰左右僕射開  
元初改爲左右丞相掌總領六官紀綱百揆初亦宰相



之職也開元初張說兼之後罷知政猶爲丞相自此之後遂不知國政天寶元年復爲僕射二年改侍中爲左相中書令爲右相會要曰左右僕射自武德至長安四年以前並是正宰相初豆盧欽望拜左僕射不言同中書門下三品不敢參議政事數日後始加知軍國重事景雲二年十月韋安石除左僕射東都留守不帶同三品自後空除僕射不復爲宰相矣開元中張說爲右丞相元宗令選日上因制儀注自非中書門下諸三品以上皆坐受其禮因爲故事元和六年禮官案開元禮有冊拜官上儀咸與卑官答拜令僕射皆冊拜官也會

昌二年陳夷行崔珙拜僕射奏僕射始視事受四品官拜無著令比左右丞吏部侍郎御史中丞皆爲僕射拜階下謂之隔品致敬準禮皇太子見上臺羣官羣官先拜而後答無二上也僕射與四品官並列不容獨優開元二年以僕射爲丞相位次三公三公上日答拜而僕射受之非是望敕所司約三公上儀著定令文獻通考曰宋制左右僕射掌佐天子議大政貳令之職與三省長官皆爲宰相之任元豐官制行不置侍中中書令以左僕射兼門下侍郎右僕射兼中書侍郎行侍中中書令職事寄祿爲特進政和中詔曰昔神考訓迪厥官



有司不能奉承仰惟前代以僕臣之賤充宰相之任可  
改左僕射爲太宰右僕射爲少宰靖康元年詔依制復  
爲僕射乾道八年詔左右僕射依漢制改爲左右丞相  
石林葉氏曰本朝沿襲唐制官制行始用六典別尚  
書門下中書爲三省各以其省長官爲宰相則侍中中  
書尚書令是也旣又以秩高不除故以尚書令之貳左  
右僕射爲宰相而左僕射兼門下侍郎以行侍中之職  
右僕射兼中書侍郎以行中書令之職而別置侍郎以  
佐之則三省互相兼矣然左右僕射旣爲宰相則凡命  
令進擬未有不由之出者而左右僕射又爲之長則出

令之職自己身行尚何省而覆之乎方其進退執政無  
不同則所謂門下侍郎者亦預聞之矣故批旨皆曰三  
省同奉聖旨旣以奉之而又審之亦無是理門下省事  
惟有給事中封駁而已未有左僕射與門下侍郎自駁  
已奉之命者則侍中侍郎所謂省審者殆成虛文也元  
祐間議者以詔令稽留吏員冗多徒爲重複因有并廢  
門下省之意後雖不行然事有當奏稟左相必批送中  
書右相將上而右相有不同往往或持之不上或退送  
不受左相無如之何侍郎無所用力事權多在中書自  
中書侍郎遷門下侍郎雖名進其實皆未必樂也按



以宰相而兼他官本非令典唐制所謂反輕宰相之體是也然時方用兵則兼節度使崇儒學則為大學士急財賦則為鹽鐵轉運使蓋以國家方重其事而以宰相提綱則下不敢以泛泛之司存視之猶有說也至於三省則俱為政本之地無所不統長官則為宰相所謂中書門下同平章事是也佐官則參知政事是也今元豐改官制既以中書門下同平章事為左右僕射參知政事為中書門下侍郎尚書左右丞矣而復以左僕射兼門下侍郎右僕射兼中書侍郎則是既自有佐官而復以長官兼之贅疣甚矣蓋仁宗必欲復唐三省之職而

蔡確以有中書造命之說已為次相兼中書侍郎王珪為首相兼門下侍郎實欲陰擯珪於門下使不得與造命取旨之事苟以便其專政之私而不復顧體統名稱之不順也附續文獻通考曰遼南面尚書省太祖嘗有左右尚書其後更設曰尚書令曰左僕射曰右僕射其元無僕射官明無僕射官蔡確曰主上崇曰門下原初學記曰僕射秦漢秩六百石公為之增至二千石至梁加秩中二千石自魏以來品第三至陳加品第二自東晉以來祠部尚書多不置以右僕射主之百官



表注曰僕射一人銅印墨綬五時朝服納言幘進賢兩  
梁冠佩水蒼玉官品第三月俸四十五石漢書曰鄭  
崇字子游哀帝時擢為尚書僕射數求見諫諍上初納  
用之每聞曳革履上笑曰我識鄭尚書履聲後為人所  
譖上責崇曰君門如市何欲禁切主上崇曰臣門如市  
臣心如水其鍾離意別傳曰意字子阿為尚書僕射其  
年匈奴羌胡歸義詔賜縑三十匹尚書侍郎廣陵暨豐  
誤為三千匹詔大怒鞭豐欲死意排省閣入諫曰海內  
遐邇謂陛下貴於財而賤人命愚臣所不安明帝以意  
諫合大義恚損怒消敕大官掾賜豐酒藥詔謂意曰非

鍾離尚書朕幾降威於此郎

此事通典亦載與此小異並存之

魏志

曰桓範薦徐宣為僕射後加侍中光祿大夫車駕幸許  
宣總留事帝還主者奏呈文書詔曰吾省與僕射何異  
竟不視對又曰陳泰為尚書左僕射典選舉貢事晉

起居注曰太康元年詔曰山濤自典官人之任志在澄  
清風俗朕將倚之以弘訓範庶人倫有日新之美其以  
為左僕射尚晉諸公贊曰司馬珪時多令望早歷顯職  
晉受禪為尚書左僕射年三十七眾論以為美宋世說  
曰周顛字伯仁為左僕射風德雖重過江積年恒大飲  
酒嘗經三日醒時論謂之三日僕射王隱晉書曰太



康元年詔依舊制置左僕射以山濤清虛恬簡轉為僕射齊職儀曰魏朝以尚書僕射毛玠領選曹晉武以僕射山濤領吏曹後依擬至今或領焉沈約宋書曰劉延孫為尚書左僕射延孫疾病不任拜起上使乘船自青溪至平昌門入尚書下舍增晉中興書曰紀瞻字士遠為右僕射肅祖常居內殿慨然憂天下曰社稷之臣欲得十人如何因數之云君便是一人齊書帝欲用張緒為僕射以問王儉儉曰緒少有清望誠美選也南士由來少居此職褚彥回曰儉少年或未憶耳邇江左用陸玩顧和皆南人也儉曰晉昏衰之政不可為

則南史徐湛之為尚書僕射令何尚之以湛之國戚任邇隆重欲以朝政推之諸詞訴絕不料省湛之亦以令掌敷奏出納事無不總令缺則僕射總任又以事歸尚之互相推諉御史中丞袁淑奏並免官詔特無所問乃使湛之與尚之並受詞訴尚之雖為令而朝事悉歸湛之唐德宗貞元元年八月以張延賞為左僕射唐中宗神龍元年以唐休璟豆盧欽望為左右僕射休璟仍同三品欽望有軍國重事中書門下可共平章先是僕射為正宰相其後多兼中書門下之職午前浚政事午後浚省事至是欽望專為僕射不敢預政事故有



是命餘詳前一會要後周書周惠遠為右僕射自關右草創

禮樂缺然惠遠與禮官損益舊章自是儀軌稍備宋

太祖建隆元年加魏仁浦右僕射同平章事共神宗元

豐五年以王珪為尚書左僕射兼門下侍郎蔡確為尚

書右僕射兼中書侍郎高宗建炎四年金以韓企先

為尚書左僕射兼侍中時金方議禮制度企先博通經

史知前代故事或因或革咸取折衷

### 尚書僕射三

**原蒼玉** 阜禧上詳前二東觀漢記曰鮑永字君長

文德雖行將軍常阜禧路稱白衣尚書與此異排閣國史

**履**並詳前二清恪 忠允先賢行狀云毛玠為尚書僕射

注曰尚書高陽王珪忠攝百揆副端右謝靈運晉

允善政以珪為右僕射攝百揆王命古元凱之任也尚書六人謂

重武事貴射御取其捷御如僕各置一人尚書六人謂

之八座參攝百揆出納王命古元凱之任也尚書六人謂

晉中興書曰顧和為尚書僕射以母老固辭詔敕諭特

聽暮出朝還其優遇如是尋朝議以臨端右之副不宜

處於外更加銀協宣庶績 總統留事晉起居注曰

青光祿大夫協宣庶績下詳前二國之司直

**官之師長**魏志曰毛玠字孝先為尚書僕射時太子

庶不分覆宗滅國廢立大事非所宜聞會玠起更衣太

祖謂曰國之司直我之周昌又曰文帝時欲以賈詡

設官部

尚書僕射

尚書僕射

二



陳泰為僕射領吏部四辭而後受王張銓南燕書曰慕容德以右僕射封嵩為左僕射尚書韓諱為右僕射時嵩諱並年三十又以嵩弟融為西中郎將諱弟軌為東中郎將嵩等俱拜帝臨軒詔令四人同入嵩等升殿方謝帝顧曰躍二龍於長衢

**主開封** 括賢俊 漢舊儀 僕射主開封 令主贊奏封下書又漢書典官兼職尚書令僕射主開封掌授廩假錢穀也 晉起居注云永昌元年正月詔曰左僕射所以廣括賢俊經始萬化之機僕射護軍荀頴可進為左僕射尚書領選

**綜** 核名實 彌縫遺闕 王隱晉書云荀頴字景倩文帝時承泰後加之淑慎綜核名實風俗澄正 華嶠漢書云李膺字元禮遷僕射與太傅陳蕃戮力悉心彌縫遺闕

**訊牒** 隋車 白帖王敬弘為僕射關置文案初不省帝變色問何故不以訊牒副僕射敬弘對曰臣乃得訊牒政自不解帝不悅後遷尚書令 又王常為僕射常墮車時人謂 魏尊碩德選在徐宣 晉寵元勳選在

羊祜 俱白

增折勳戚威

起敵國畏

後漢書鄧壽為

將軍實憲威振天下常使門下生齋書詣壽有所請託壽即送詔獄前後上書陳憲驕恣引王莽以誠國家

司馬溫公復起為僕射遼人聞之曰 總樞機重權 南國復相司馬矣毋輕生事開邊隙

訪軍國大事

手寶記武帝詔曰散騎常侍羊祜秉德清重非垂拱無為委任責成之意也 御崇政殿訪以軍

宋史至道二年呂端加右僕射上 兆平章之名 受都督之任 國大事端陳當世急 兆平章之名 始此 宋紹興七年

務有條理上嘉納之 兆平章之名 始此 宋紹興七年 官志貞觀八年僕射李靖以疾辭位詔疾小廖兩三日

一至中書門下平章事平章之名始此 宋紹興七年 以右僕射張俊為 以艱難協主心 以博大開上意

江淮都督出視師 以艱難協主心 以博大開上意 言行錄李沆為尚書右僕射日取四方水旱盜賊奏之

王旦以為細事不足煩帝聽沆曰人主少年當使知四方艱難不然血氣方剛不留聲色犬馬則土木甲兵

禱祀之事作矣識者服其遠見 元祐三年范純仁為 設官部 尚書僕射



右僕射務以博大開英宗治撤簾還政平元年

韓琦欲太后撤簾還政乃取十餘事稟帝帝裁沒悉當

琦即詣太后覆奏太后每事稱善琦即白太后求去太

后曰相公不可去我當還深宮耳遂起琦即厲聲命撤

簾簾既落猶於御屏後見后衣也哲宗元祐元年以

司馬光為尚書左僕射既而詔都民遮留中外鼓

舞僕射司馬光過闕廷衛士見公入皆以手加額都民

中使即家居召公復拜尚書左僕射制出中外鼓舞成功雲雷際翊聖天地

安岑參題左僕射相國冀公東齋文左尚書僕射秩

原署尚書事續漢書百官志曰尚書僕射秩省錄臺

事謝承後漢書云尹昆時拜尚書僕射詔曰惟君公曹

時以太守之術克獎王室其省錄臺事勿令謬誤

綜詳朝政晉起居注云太始七年詔曰尚書僕內

贊治道臧榮緒晉書曰謝安石為僕射詔曰尚書安石

尚書僕射吏稱為廉平好學為尚書僕射加侍中奉

部後加將軍稱為廉平好學為尚書僕射加侍中奉

車都尉領吏部清實稱為強正元亮為尚書左僕射

於時中興草創制度未立朝臣無習朝儀者惟協以久

在中朝多諳故事朝廷憲體出入威儀唱贊皆一稟於

協當時稱常公清為性臧榮緒晉書云朱整字偉齊為

為強正常公清為性臧榮緒晉書云朱整字偉齊為

真勵平正為能東觀漢記云桓虞字伯春遷尚書僕

守平正為能東觀漢記云桓虞字伯春遷尚書僕

設官部

尚書僕射

尚書僕射

黃瓊



藉田奏上從之華嶠漢書云黃瓊字世英為僕射順帝久廢藉田瓊曰上古聖帝莫不敬恭神

明恭郊廟之禮親藉田明恭郊廟之禮親藉田之勤書奏上從之王珣文章為上所昵晉中興書珣與郗恢殷仲堪徐邈等並以才學文章為上所昵

何澄坐家視事晉起居注云何澄字季元遷左僕射領選脚疾辭詔聽不朝坐家視事又領本

李豐常多託疾魏略云李豐字安同為侍中僕射在臺閣多託疾時臺制疾滿百日

當解祿豐未滿百日暫起已復臥如是數歲及太傅久病曹爽攝政豐依違三公間無所是非故時人有謗書

曰曹爽之勢熱如湯太傅父子冷如漿李豐兄弟如游光其意以為豐雖外示清淨而內圖事有似游光也

增黑面僕射後魏書陽平王新成之子欽字思若累遷尚書右僕射欽色黑時人號為黑面

僕射均田北齊書高隆之為尚書僕射初給民田貴勢皆占良美貧弱咸瘠薄隆之啓高

祖番更反易乃得均平大小僕射陳書袁憲遷右僕射參掌選

射一射時憲為小僕射唐書戴至德為僕射時與劉仁軌更

大僕射射時憲為小僕射解事僕射唐書戴至德為僕射時與劉仁軌更

前日受詞訟嘗有老母詣省陳詞至德已收牒省視老母請付還牒來至德笑而奏格內降

後及人入稱其長者奏格內降僕射言行錄趙鼎遷左

又向敏中除右僕射上使李昌武觀之方謝客門無大耐官職

唯又曰自見賀曰今日降麻士大夫莫不歡慰公但唯命之重公亦唯唯使人至廚中問有飲宴者亦寂無

賜張商霖字徽宗大觀四年商英為尚書右僕射時久

日雨帝喜因大書商霖二字賜之

尚書僕射五商霖二字賜之

設官部尚書僕射

尚書僕射尚書僕射



原詩梁任彥昇出郡傳舍哭范僕射詩曰平生禮數絕  
式瞻在國楨一朝萬化盡猶我故人情待時屬興運王  
佐俟人英結歡三十載生死一交情攜手遁衰孽接景  
事休明運阻衡言革時泰玉階平濬冲得茂彥夫子值  
狂生伊人有涇渭非余揚濁清將乖不忍別欲以遣離  
情不忍一辰意千齡萬恨生已矣平生事詠歌盈篋  
笥兼復相嘲謔常與虛舟值何時見范侯還敘平生意  
與子別幾辰經塗不盈旬弗覩朱顏改徒想平生人  
寧知安歌日非君撤瑟辰已矣余何歎輟春哀國鈞  
唐任希古和左僕射燕公春日端居述懷詩曰豐野光

三傑媿庭贊五臣縈絳歌美譽絲竹詠芳塵聖曆開環  
象昌年降甫申高門非捨築華構豈垂綸鳳邸搏霄翰  
龍池躍海鱗玉鼎升黃閣金章謁紫宸禮闈通政本文  
昌總國鈞調風振薄俗清教正彝倫星迴應緹管日御  
警寅賓葉上曾槐變花發小堂春思挂東都冕言訪北  
山中赫赫容臺上千祀耀平津趙彥昭奉和悼右僕  
射楊再思詩曰兩揆光天秩三朝奉帝熙何言集大鳥  
忽此喪元龜坐歎公槐落行聞宰樹悲壑舟今已去寧  
有濟川時增韓翊上田僕射詩曰家封薛縣異諸田  
報主榮親義兩全僕射臨戎謝安石大夫持憲杜延年



金裝畫出羅千騎玉案晨餐直萬錢應念一生留闕下  
闔門遙寄魯西偏黃滔賀清源僕射新命詩曰雖言  
崧嶽秀崔嵬少降連枝命世才南史兩榮惟百揆東閩  
雙拜有三台二天在頂家家詠丹鳳銜書歲歲來虛說  
古賢龍虎盛誰攀荆樹上金臺

**增**詔梁授蕭重休左僕射詔曰門下尚書萬事之本隆  
替是寄總司頓闕宜速有人具官蕭重休才學淹通識  
裁詳允內著嘉庸外敷美政入副朝端僉議斯在可守  
尚書左僕射餘如故

**增**制唐蘇頲授劉幽求左僕射制曰門下尚書佐理四

方取則端揆成務百工是師非允具瞻孰康庶績封州  
流人劉幽求風雲元感川岳粹靈學綜九流文窮三變  
義以臨事精能貫日忠以成謀用若投水茂勲立艱難  
之際嘉謨盈啓沃之初存謹直以不回為姦邪之所忌  
釁萌頗露譖端潛發元宰見逐讒人孔多既誅羣兇方  
宣大化期間政於經始載登賢於夢卜常袞授李忠  
臣右僕射制曰文昌所以法成象端右所以長庶寮秦  
漢則內掌武事魏晉或外綏戎政今之垣翰重任勤勞  
有功歷踐六卿始終一德必訪羣議然後當盛選茲授  
令狐彰右僕射制曰中臺萬事之會端右庶僚之式所



以總詳參貳恢演協宣勳德兼崇則殊在師長之重勤  
勞於外則不親損益之煩凡命此官必書於冊極茲朝  
選用屬時賢元稹授韓臯左僕射制曰夫一邑之政  
而猶資老者之智用壯者之汲況朝廷之大得不以耆  
年重望居表正之地儀刑於百辟乎具官韓臯始以直  
言事代宗皇帝司諫諍復以文章政術事德宗皇帝為  
舍人中丞京兆尹在順宗憲宗時出領藩方入備卿長  
逮予小子歷事五君勤亦至矣而又處權近之際未嘗  
以恩幸自寵於一時當趨嚮之間終不以薄厚見窺於  
衆目豈所謂徐公之行已有常而詩人之風雨不改耶

罷去職勞正名端右凡百庶寮無忘咨稟宋除呂蒙  
正尚書僕射制曰邦國政治蓋出於中樞朝廷紀綱盡  
歸於會府矧乃端揆之任聿居師長之崇苟非台鉉之  
賢曷慰搢紳之望具官呂蒙正挺生英氣符合昌期自  
先夢卜之求遂荷鹽梅之寄謨明匪懈亮直不渝爰自  
天官再持政柄泊和鼎實時維老成朕欽若不圖建用  
皇極雖彌綸大體固未協於康哉而勵翼小心亦備觀  
於勤止頗鬱隆年之望宜均勞逸之功長是中臺式茲

百辟蘇頌制曰北京地處東川歐陽修晉呂蒙正然天寵

原銘梁沈約尚書右僕射范雲墓誌銘曰合契興王匪



勞物色乘風鬱起化成龍翼乃作喉唇帝猷必舉乃作  
銓衡彝倫有序北京咀峻東川迴薄蘊吾名臣終天靡  
作漢士政變劉平之望宜改漢書之文長中臺左旋

**原表**宋傅亮讓尚書僕射表曰自皇基肇創豫班策勛  
織善微績未聞朝野百揆治樞總貳殷要誠非庸臣所  
宜叨擬臣聞權衡既懸錙銖靡遁厲驚習驥終莫之近  
敗駕傷錦備之前誥必將上增國垢下招私黷昌齊王  
儉讓左僕射表曰待臣於常均之外眄臣於代僚之右  
親乖其章乘非其器霸府方隆超居元任國朝草昧參  
贊百揆梁沈約讓僕射表曰臣聞役壯休老上典所

優晨行暮息事身恒分若夫元黃未已非秋駕之衛筋  
力為用豈強飯之時養老杖鄉抑推前典服戎告謝親  
學匪任宿肉極其虛憊歲制防其不辜實所以蠲假衰  
疾收屏淪暮張纘讓尚書僕射表曰加以矯心飾貌  
酷非所閑不喜俗人與之共事雖復吐言如傷屈體無  
骨動容竊斧猶成多憾曾聞如闕坐客恒滿情態參差  
世塗盈虛蕙苾興謗拾塵見猜疑似雖分聖賢致惑人  
之包藏山川非險況在於臣焉可證綜陳徐陵讓左  
僕射初表曰臣聞七十之歲揚雄擬經六十之年平津  
對策若斯強壯無歎耆老臣勵則胄華軒冕才允卿相

設官部

尚書僕射

尚書僕射

大



出納流譽朝野具瞻臣弘正國老儒宗情尚虛簡元風  
勝業獨王當年臣種器懷沈密文史優裕東南貴秀朝  
廷親賢並見壯猷皆宜左執若漢武好少而微臣已老  
若周文愛老則有此羣才伏願天明更謀梓匠求其妙  
選稱是能官又讓右僕射初表曰加以言尋盟好仍  
屬亂離先零盜其牛馬烏孫竊其印綬子卿茹雪叔向  
為凶雖復東歸備罹此厄昔李廣遺恨不值漢初甯戚  
自悲不逢堯禪臣隨望聖運實在權輿時參浚勝之籌  
頗奏發兵之識當塗錫舍非無董昭之誠典午禪文不  
降張華之實江總讓尚書僕射表曰藻鏡官方品裁

人物門驚如市不慙屋漏心抱如冰無欺暗室但屢淹  
星鳥每知忝素世網拘束事歸僂勉今此召會尤增據  
蒞竊以端揆副職官稱師長革履升降傳呼寵赫儀刑  
朝首冠冕彝倫兼復參總衡流匡佐聖治妄膺重責必  
踐危機

### 諸曹尚書一

**原**杜氏通典曰秦尚書四人不分漢成帝初置尚書五

人其一人為僕射四人分為四曹尚書曹名自此而有常侍曹主

卿二千石曹主郡國民曹主凡吏民上書以人字改客

曹主外國後又置三公曹主斷是為五曹後漢尚書五

設官部

諸曹尚書

諸曹尚書

七



曹六人其三公曹尚書二人掌天下歲盡吏曹掌選舉

漢志謂之常侍二千石曹掌中都官水火盜賊辭民曹

曹亦謂之選曹客曹掌羌胡朝賀法駕出則護駕後漢光

鹽池苑囿武分二千石曹及客曹為南主客北

主客兩梁冠納言饋或說有六曹按後漢志云分客曹

志云以前漢五曹更加中都官曹為六曹也案應劭漢

官云二千石曹主中都官事則不應更有中都官曹也

今依劭說為五曹六人又張陵字處仲為尚書歲魏

朝梁冀帶劍入省陵叱令奪劍劾冀詔以歲俸贖罪魏

有吏部左民客曹五兵度支凡五尚書晉初有吏部三

公客曹駕部屯田度支六曹無五太康有吏部殿中五

兵田曹度支左民為六曹尚書無駕部三及渡江有吏

部祠部五兵左民度支五尚書皆銅印墨綬乘輅車阜

輪執笏負荷加侍中者

武冠左貂金蟬宋有吏部祠部度支左民左民尚書統左都官

五兵六尚書齊梁與宋同侯景改梁五兵為七兵尚書

與令亦別有起部而不常置也梁何胤字子季為左民

山雲門寺敕給白衣尚書祿盾固辭又到洽為御史

中丞兄溉為左民尚書舊中丞不得入尚書下舍洽引

服親不應有礙御史省詳浚乃許陳與梁同後魏初有

殿中掌殿內兵樂部掌伎樂及駕部掌牛馬南部掌南

郡北部掌北邊五尚書其後亦有吏部初曰兵部都官

度支七兵祠部民曹等尚書又有金部庫部虞曹儀曹

右民宰官元提為宰都牧元禎為都牧曹右曹太倉太

官祈曹神都儀同曹等尚書自金部以下但有尚北齊

設官部

諸曹尚書

諸曹尚書

三



有吏部殿中

殿中統殿中曹主駕行百官留守名祠部帳宮殿禁衛及儀曹三公駕部四曹

五兵都官度支六尚書後周無尚書隋有吏禮兵刑戶

工六部尚書唐尚書與隋同龍朔二年改尚書為太常伯咸通初復舊歷代

吏部尚書及侍郎品秩悉高於諸曹初學記曰案敘

諸曹尚書秦官也漢因之光武分為六曹并一令一僕

射謂之八座魏有五曹與二僕射一令謂之八座魏有

左民客曹五兵度晉有六曹宋有六曹宋加東都齊梁

陳六曹齊曹名後魏北齊六曹後魏北齊有吏部殿中

後周依周禮置六官尚書之任隋氏六曹隋有吏部禮

度支工部開皇三年改度支唐六曹初置民部餘同隋

為度支尋復改為戶部龍朔二年改尚書為太常伯改  
吏部禮部戶部兵部刑部工部為司列司禮司元司戎  
亦依周禮六官也初宋齊梁陳四代復有起部尚書營  
宗廟則權置畢則省已上並漢官齊職儀

諸曹尚書二

原再昇 周歷謝承後漢書曰魏朗字伯英入為尚書

所服以黨事免朗性矜嚴閉門整法長吏希見動有禮

序室家相待如賓子孫如事嚴君焉又曰蔡邕字伯

喈以侍書御史遷尚書中委珠 賜劔謝承後漢書

子阿明帝徵為尚書交趾太守坐贓伏法以資物簿入

大司農詔班賜羣臣意得珠璣悉以委地而不拜帝怪

問其故對曰臣聞孔子忍渴於盜泉之水曾參迴車於  
勝母之鄉惡其名也賊穢之寶不敢拜帝笑曰清乎尚  
書賜錢三十萬東觀漢記曰章帝賜尚書劔各一手  
署姓名韓稜楚龍泉邳燾蜀漢文陳寵濟南鍛成一室  
設官部



兩刃其餘皆平劍其時論者以為稜淵深有謀故得龍泉燾明達有文章故得文劍寵敦樸有善於內不見於外故得鍛成劍

**白衣**

**文劍**

後漢書曰鄭均字仲虞為尚書澹泊無欲以病

乞骸骨終不肯起章帝車駕幸均舍敕賜尚書

**臺**任七年上詳周歷注晉書杜預為度支尚書在

**賜鍛成**

**封廣武**

華嶠後漢書曰陳寵字昭公以德

人臣之義苦不畏慎自在樞密謝門人不復教拒知友時賜寵劍得鍛成劍以其敦樸

尚書者惟當華耳卒如祐言封廣武縣侯

吾事者惟當華耳卒如祐言封廣武縣侯

圖委以**嘉謀良圖**表辭才下年老詔曰方今多事嘉謀良

老成也**朱穆正直****黃琬方毅**謝承後漢書曰朱穆

廉貞為侍中尚書

**諸曹尚書三**

**原三為選官**裴松之晉紀云江彪

支尚書損益萬機不可勝數朝野稱

美號曰杜武庫言其無所不有也

傳太尉李固薦楊準累世服事臺閣開練

舊典且有漸用宜在機密特拜尚書也

袁山松漢書云伏湛建武

二年拜尚書典定舊制

無不**內外不漏**謝承後漢書云王博字季習拜尚書

戒內外**敏於眾職**謝承後漢書云荀緄字伯條拜尚

機平直公卿大**幹機密職**淵懿博雅治術亦辨優納

夫莫不憚之**臺閣彈駁**慎退食自公儀表偉麗每朝賀百寮側目

設官部

諸曹尚書

軍糧



校計朱鳳晉書云帝以司馬孚為度文武羣才多所

明拔有先賢行狀曰崔琰拜尚書委授銓衡總齊清議十

也內外眾職各得其才傳咸陳事云正始中何晏典

然之美於拔真斥偽先賢行狀云毛玠為尚書典選

枯面羸衣乘澹泊無欲詳初書許混鑒識魏志云許

清虛有鑒識明王昶考課詳類聚尚書總載翟醜高第後

帝時為尚書遷侍中時尚書有缺詔將大夫六百石以

上試對政事天文道術以高第者補之醜自恃能高而

忌故太史令孫懿恐其先用乃往候懿既坐言無所及

惟涕泣流連懿怪而問之醜曰圖書有漢賊孫登將以

才智為中官所害觀君表相似當應之醜受恩接懷

君之禍耳懿憂懼移病不試由是醜對第一拜尚書

案春秋保乾圖曰漢賊臣名孫登大形小口長七

尺九寸巧用法多技方詩書不用賢人杜口也鍾

離大德鍾離意別傳云棠邑令鍾離意至光耀紫微

韋誕集云入作光翼明聖陸機云惟是喉

納言光耀紫微諸曹尚書四

原詩宋顏延年直東宮荅鄭尚書詩曰皇居體環極設

險祗天工兩闡阻通軌對禁限秋風跂予旅東館徒歌

屬南墉寢興鬱無已起觀辰漢中流雲靄青闕皓月鑒

丹宮踟躕清防密徒倚恒漏窮君子吐芳訊感物惻余

衷惜無丘園秀景行彼高嵩隋劉斌和許給事傷牛

尚書詩曰名臣不世出百工之所求況乃非常器遭逢

設官部

諸曹尚書

諸曹尚書



皇猷韶濩傾復理典禮紊還修雖貞棟梁任兼好藝文  
游佇聞和鼎實行當奉介丘高衢翻稅駕閱水遽遷舟  
傳呼更何日曳履聞無由歸魂藐修路征權艤邪溝林  
薄長風慘江山寒雲愁夜臺終不曙遺芳徒自留

**原**箴後漢繁欽尚書箴曰龍作納言帝命惟允山甫翼

周實司喉吻赫赫禁臺萬邦所庭無曰我平而慢爾衡  
無曰我審而怠爾明四岳阿鯨績用不成虞登八凱五

教聿清舉涉其私乃忝服榮正直是與伊道之經先民  
匪懈永世流聲君子下問敢告侍廷

**大尚書左右丞**  
一 時謂諸關拜尚書  
二 掌馬今雖無意至  
三 大駟紫微

**原**杜氏通典曰尚書左右丞秦置尚書丞一人屬少府

漢因之至成帝建始四年置丞四人及後漢光武始減

其二則置左右丞佐領僕射之事左丞臺中紀綱無所

不總主吏民章服及騶伯史右丞與僕射皆掌授廩假

錢穀又假署印綬及紙筆墨諸財用庫藏

楊喬為右丞  
行直太常辛

柔柔不避車喬奏  
柔不敬下廷尉左右丞闕以次久郎補之三歲為刺

史漢御史中丞侍御史行複道中遇尚書及丞郎避車

執版揖丞郎坐車舉手禮之車過遠乃去尚書言左右

丞敢告知如詔書律令郎見左右丞對揖無敬稱曰左  
右君丞郎見尚書執版揖稱曰明時郎見令僕執版拜



朝賀對揖魏晉左右丞銅印青墨綬進賢一梁冠介幘  
絳朝服左丞主臺內禁令宗廟祠祀朝儀禮制選用署  
吏急假兼糾彈之事右丞掌臺內庫藏廬舍凡諸器用  
之物及刑獄兵器督錄遠道文書章表奏事宋因之而  
右丞亦主錢穀虞玩之字茂瑤宋元徽中為右丞齊高  
帝參政與玩之書曰今漕藏有闕吾賢  
居右丞已覺金粟可積矣皆銅印黃綬齊左右丞寢廟郊祠吉慶瑞  
應災異立作格制諸案彈用除置吏補滿除遣任遐為  
右丞奏  
御史中丞陸澄不糾事請免澄官又建康令與秣陵令  
同乘行車前導四卒右丞沈昭略奏凡有鹵簿官共乘  
不得兼列騶視中書郎遷黃門郎左丞掌兵士百工補  
導請免其官役死叛考代年老疾病解遣其內外諸庫藏穀帛刑刻

創架爭訟田地船乘兵工死叛考剔討補差分百役兵  
器諸營署人領州郡租布民戶移徙州郡縣并帖城邑  
人戶割屬刺史二千石令長丞尉被收及免贈文武諸  
犯削官事白案則右丞上署左丞次署黃案則左丞上  
署右丞次署諸立格制及詳讞大事郊廟朝廷儀體亦  
左丞上署右丞次署梁皆銅印黃綬一梁冠左丞掌臺  
內分職儀禁令報人章督錄近道文書章表奏事糾諸  
不法凡諸尚書文詣中書省者密事皆以契刀囊盛之  
封以丞相印劉治字義權為左丞準繩不  
避貴戚尚書省賄賂莫敢通右丞掌臺內  
藏及廬舍凡諸器用之物錄遠道文書章表之事陳因

設官部  
尚書左右丞



之後魏北齊左丞為上階右丞為下階北齊左丞掌吏

部等十七曹吏部考功主爵殿中儀曹三公祠部主客

右并糾彈見事又主管轄臺中道失并糾駁之崔昂除

度支尚書左丞兼尚書近代未有惟昂為冠首朝野榮

之又酷吏宋游道為左丞始為故事於尚書省門立

僕以下警出入早晚令右丞掌駕部等十一曹駕部虞曹

兵部比部水部膳部亦管轄臺中惟不彈糾餘悉與左同

隋左右丞掌分尚書諸司糾駁元壽字長壽為尚書左

令其子向江南收家產壽奏勅之曰摩訶遠念贊財近

忘匹好令其子舍危憊之母為聚斂之行御史韓微之

等見而不彈請付大理唐因隋制龍朔二年改為左右

臣忝居左轄無容寢默唐因隋制龍朔二年改為左右

蕭機其年有字文化及子孫論資蔭所司理之至於勾

留右肅機陽昉未詳案狀訴者自以道理已成無

復疑滯勒而逼昉昉謂曰適退朝未食食畢詳之訴者

曰公云未食亦知天下有累年羈旅者乎昉遽命案立

判之曰父弒隋主子訴隋資生咸通元年復舊儀鳳四

者猶配遠方死者無宜更敘咸通元年復舊儀鳳四

約除尚書左丞約奏曰陛下為官擇人無其人則闕今

不惜美錦令臣製之此陛下知之深矣微臣盡命之日

矣振舉綱目略無左丞掌管轄諸司糾正省內勾吏部

留事羣曹肅然

戶部禮部等十二司通判都省事右丞掌管兵部刑部

工部等十二司餘與左丞同初學記曰案敘尚書丞

秦官也漢因之光武置左右二丞丞承也言承助令僕

總理臺事尚書令與左丞總領紀綱僕射與右丞掌稟

假財穀魏晉以來左丞得彈奏八座故傅咸云斯乃皇

朝之司直天臺之管轄是也自漢魏以來品皆第六秩

設官部

尚書左右丞

尚書左右丞

卷



四百石梁加品第四秩六百石出齊職儀及五代史百官志增六

典曰左右丞掌管轄省事糾舉憲章以辨六官之儀制

而正其文法分而視焉晉書百官表志注曰左右丞

俸月三十斛五代史後唐書曰梁開平二年改左右

丞為左右司侍郎避廟諱也至同光年十月復舊為左

右丞長興元年九月詔曰臺轄之司官資並設左右貂

素來相類左右丞不至相懸以此比方豈宜各別自此

宜升尚書右丞官品著與左丞並為四品續通鑑綱

目曰神宗元豐五年官制成改參知政事為門下中書

侍郎尚書左右丞文獻通考曰宋制左右丞掌參機

大政通治省事以貳令僕射之職僕射輪日當筆遇假

故則以丞權當筆知印大祭祀酌獻薦饌進熟則受爵

酒以授僕射舊班六曹尚書下官制行升其秩為執政

官元豐五年五月詔左右僕射丞合治省事是月御史

言左右丞蒲宗孟王安禮於都堂下馬違法犯分安禮

爭論帝前以為今左右丞為執政官不應又有厚薄左

右丞於都堂上下馬自此始元祐元年詔本省應受御

札事大者送中書省取旨事小急速止本省行訖奏知

仍關報中書門下其未便者聽執奏又六曹擬鈔左右

丞簽書僕射書檢又事有條例不至大者六曹長官專



波非六曹所能沒者申省常程及訟牒止付左右丞初  
祖既因唐制置宰相復用翰林學士陶穀之言命薛居  
正沈義倫為參知政事以為宰相趙普之貳官制行罷  
參知政事以門下中書侍郎尚書左右丞為執政時章  
惇以前參知政事除門下侍郎張璠以參知政事除中  
書侍郎蒲宗孟王安禮自翰元豐寄祿為光祿大夫建  
炎三年詔中書門下二侍郎並復改為參知政事廢尚  
書左右丞續文獻通考曰金左丞右丞各一員正二  
品為執政官為宰相之貳俱列於尚書省下是元左右  
丞各一員按元中書令為極尊次則左右丞相平章政  
事左右丞參政參議中書省事左右司郎中皆參贊中  
書者明初改中書省左右相國為左右丞相左右丞

各一人皆係中書省後革中書省並左右丞不設空門

尚書左右丞二

**原紀網** 管轄上詳通典 傅咸荅辛曠詩序曰尚書

朝之司直天臺之管轄余前為左丞具此司直

繩上詳管轄注 傅暢晉諸公贊曰許奇解交

秩漢官儀云漢制八座丞郎初拜並集都座交禮遷又

遷和帝詔留增秩 百寮憚三臺清 王隱晉書曰郗

遷左丞為百寮所憚後坐事泄免 又曰劉恢字彈

八座 肅三臺並詳 堂秦郭奕 彈崔洪王隱晉書曰

左丞時尚書郭奕成故將也累辭疾病不起復不上朝  
又自表妹葬乞出臨喪詔書聽許咸舉奏之下見挽

設官部

尚書左右丞

尚書左右丞

天



弩自來射注掌威儀出主財用續漢書百官志曰左丞掌錄

前下詳總領綱紀掌稟錢穀並詳初增北斗中樞

南宮左轄見後樊左職稱朕望功滿詔留唐戴

尚書右丞尋遷左丞太宗謂胄曰尚書省天下綱維百

司所稟若一事有失天下必有受其弊者今以令僕係

之於卿當稱朕所望也胄性聰明處斷明速議者以

為左右丞稱職武德以來其人而己其下見增秩注

豪貴拂席有司供帳唐王維以詩名盛於開元天寶

席迎之乾元中為尚書右丞日張說代源乾曜為左丞

視事之日上教所司供帳設音樂內出酒食御製詩一

篇以敘其事記令史名對三騶飲梁書劉覽除尚書左

並記姓名當官清正無所私南史尚書二丞給三騶

謝幾卿性不拘朝會嘗預宴樂遊苑不得醉而歸因詣

道邊酒壚停車塞帷與車前三騶並主殿不下至門

對飲觀者如堵幾河處之自若

不開梁書賀琛遷尚書左丞并參禮儀事琛前後居職

省中為之語曰上殿不下有賀雅琛容止都雅故時人

以此呼之北齊張耀為尚書左丞文宣近出令耀居

守文宣夜還耀不開門勒兵嚴備火至看面然後開迎

文宣笑曰君欲學郵君章也賜以錦袍以其忠勤遂見

親不置僕射怒對宰相唐書貞觀中宇文節為尚

待見稱江夏王道宗嘗以私事託於節節遂奏之太宗大

悅賜帛二百匹勞之曰朕不置左右僕射者正以卿在

奏求良田勅競銀窟隋書楊汪為兵部侍郎數年

為我覓一好左丞達遂私於汪曰我當薦君為左丞若

尚書汪明習法令果於割斷時號稱職北史隋郎茂

設官部尚書左丞



文競河東銀窟茂奏劾愷位望已隆祿賜優厚拔葵去  
織寂爾無聞求利下交曾無媿色仲文大將軍近臣趨  
侍階庭朝夕聞道虞芮之風抑而不慕分銖之利知而  
必爭何以貽範庶僚示民軌物愷與仲文竟坐得罪而

美錦令製

挽弩自射

書上見通典注大晉邵詵為尚  
書左丞糾吏部尚書崔洪洪

曰我舉邵丞而還奏我此為挽弩自射說聞曰昔趙宣  
子任韓厥為司馬厥以軍法戮宣子之僕宣子謂諸大  
夫可賀我矣崔侯為國舉才我以才見舉歷囿按火  
惟才是視各明至公何故斯言洪聞悅服

當食批案

唐書趙涓為監察御史時禁中失火火發  
處與東宮相近代宗疑之涓為巡使俾令

即訊涓因歷擣囿按據迹狀乃上言中官遺火所致也  
既奏代宗稱賞德宗時在東宮常感涓究理詳明及刺  
衢州年考既深與觀察使韓滉不相得滉奏免涓官德  
宗見名謂宰相曰豈非永泰初御史趙涓乎對曰然即

尚書左右丞三

不關尚書左右丞三  
首下見通典注

原掌百官威儀

詳初學記

主臺內體制

晉百官表注曰左  
丞主臺內體制

用署吏督遠近  
文書急假也

職輕事重以賤制貴

傅咸表云左丞  
職輕事重以賤

制貴人所難居臣以闇劣猥忝  
斯任媿於不稱懼罪之及也

領都令史

晉百官表  
注云左丞

領都令史七人史五  
人幹二藩人八也

署諸財用

詳通典  
量物多少

官表云右丞主內庫藏斛量物用多少及  
稟假民戶布租刑獄兵器督錄遠道文書

久次即補

漢官侍臣主法左  
右丞久次即補也

攸攝百揆

王導答別駕孔垣拜左  
右丞辭表云省啓慨然

卿在朝無賴端右康濟時務拾遺損益者多矣眾談咸  
以左丞事要宜須諒直以攝百揆今天下事弊亦是急

病讓夷之日  
無彈外官  
江彪駁議云左丞荀彘以見

豈得已也  
於左右丞都無彈外官之事

言辭辨達

謝承後漢書  
云張稷字衛

則我朝之明準遵而勿失也  
君除尚書侍郎左丞朝賀陛見進對威

閑練故事

楊

設官部

尚書左右丞

尚書左右丞

三



高字至達尚書侍郎轉左丞自在臺閣開

練漢家故事前後上表陳國政便宜事

懋王隱晉書云傅咸字長虞為丞殿中嘗火百寮莫不

赴救而尚書東平王懋等不赴臺咸以懋等職在機

近宜當風發先百寮就在患疾宜自扶力而宴然在外

不赴警急奏免懋咸前後所彈奏辭皆深切及八座以

下峻急莫 **白哀奏山濤** 又武帝以山濤為司徒頻讓

奏濤違旨詔 **違命加罰** 楊濟與傅咸書云昨違命相

杖東五十 **違命加罰** 視受罰云太重以為相怛然

答曰違拒上命稽停招罰退思此非在於不測 **懦弱**

則加罰默退用自戰悸何敢復以杖重為劇乎 **懦弱**

**免官** 晉中興書云王國寶因酒坐怒右丞祖台之詔曰

國寶縱肆情性其不可長台之懦弱非監司體其

各免 **尚書左右丞四** 彈事重以類侍貴

**原詩** 梁沈約和左丞庾杲之移病詩曰歲暮豈云聊參

差憂與疾匪澣孰能賜持身固無述握蘭空盈把待漏

終不溢嚙喧滿眼前簿領紛盈膝安用談天辨徒勞夢

賜筆挂冠若東都山林寧復出 **增** 唐杜甫贈韋左丞

丈濟詩曰左轄頻虛位今年得舊儒相門韋氏在經術

漢臣須時議歸前列天倫恨莫俱鴿原荒宿草鳳沼接

亨衢有客雖安命衰容豈壯夫家人憂几杖甲子混泥

途不謂矜餘力還來謁大巫歲寒仍顧遇日暮且踟躕

老驥思千里飢鷹待一呼君能微感激亦足慰榛蕪

**增制** 唐白居易授庾承宣尚書右丞制曰昔我太宗文

皇帝嘗謂尚書丞百職綱維事一失中則天下有受其

設官部

尚書左右丞

尚書左右丞

三



弊者因命戴胄魏徵及杜正倫劉洎輩總領是職分居  
左右職修事理人到于今稱之故吾前命崔從持左綱  
今命承宣操右轄衆口籍籍頗稱得人況承宣端諒勤  
敏周知典故必能爲我紐有條之綱扼妄動之輪坐曹  
得出入郎官立朝得奏彈御史沒會政要扶樹理本無  
俾戴魏劉杜專美於貞觀中可守尚書右丞散官勲如  
故又授孔戣尚書左丞制曰尚書丞掌沒百事樞轄  
六曹晉魏以還右減於左惟有立者可以糾吏維無瑕  
者可以律人無以易戣往恭乃位可尚書左丞散官勲  
賜並如故宋元厚之王右丞制曰朕循唐制復文昌

尚書左右丞

三

府以令僕執國大政而丞爲之貳禮優秩峻茲謂輔臣  
某亮直清明有猷有守服在禁近厥聞惟休茲用命爾  
以中大夫正秩於右轄於戲庶習雖逸法艱維初凡厥  
有官弗祗弗迪亦惟朕政未發於中其能允諧時汝之  
任往服朕命厥惟懋哉又蒲左丞制曰某問學才猷  
該洽通敏自朕識拔揚於禁嚴是用命爾以中大夫正  
秩於左綱於戲若昔大猷訓迪在位時朕忱汝協濟茲  
惟祗辟可以肅列曹惟若德可以熙庶績圖休於永冀  
尚懋哉五士開受直言部領育益回益聚異之飛鳳心

**增** 誥宋蘇轍劉摯尚書右丞誥曰漢御史大夫能任其

設官部

尚書左右丞

尚書左右丞

三



職則爲丞相近世中執法議論不撓亦補執政昔我仁宗優養正士開受直言時則有若包拯張昇之流咸以敢言獲聞大政舊俗已遠此風寂寥容悅相承亦棄不用朕追懷先正選建忠賢諤諤之聲庶幾前烈具官劉摯早以御史少事裕陵力陳是非不避權寵十年流落志氣不衰召置臺端首開正論進任中司之要屢聞白簡之言風聲凜然國是以定朕欲試其行事之實是用付以右轄之權治忽所關寄任尤重夫以言責人甚易以義持已實難爾其勉之毋使輔政之功不若言事之效心令對輝固大如而丞爲之責豈易於茲

**增表**蘇轍謝除尚書右丞表曰渙汗之恩已行而不返偃僂之志雖勤而莫伸上媿鴻私下慙公議恭惟皇帝陛下接堯舜之統蹈成康之仁體貌先正耆老之臣揀拔後來翹秀之士俛仰六載前後幾人坦然公明故不私賢否之實穆然淵默故坐照情僞之真臨御久則鑒愈明得失分則下無隱如臣者西南賤士章句小儒早歲猖狂偶竊方聞之選中年流落旣安縣尹之卑遭時乏人致位近侍跌宕文墨之囿嘯嚆議論之場舉皆空言安有實效顧惟省轄之重實參國論之餘豈無遺賢遽及微品地寒資淺何以望三事之餘光才短力罷安



能越六聯之滯論雖復黽勉就職媿歎何言此蓋伏遇  
皇帝陛下天地之仁曲成草木之陋父母之愛不錄子  
弟之非將建大厦以覆羣生故收衆材而無棄物然臣  
負過其力受非所容惟有潔已無私或不孤於託付引  
類自助幸得免於顛躋不渝始終少荅恩造曰爲樊左  
丞讓官表曰伏奉制除臣尚書左丞寵命俯臨慙顏自  
失泛大鯨之海但覺魂搖戴巨鼇之山未如恩重臣聞  
尚書百揆翊亮萬機故天上尊北斗中樞陛下有南宮  
左轄晉昇孔坦諒直當時漢拜楊喬閑練故事庶得百  
寮有憚於會府諸侯取法於京師臣實謏才謬登清貫

握蘭起草昔紊朝經剖竹頒條近貽人瘼備歷中外無  
聞聲庸版圖再緝貢賦未均於九州銅印更操威儀不  
檢於三署次郎補缺豈易其人聖主求才宜難此受竊  
謂苟求俊乂側訪瓌奇必使德合準繩言成綱紀興化  
致理時無間言況安上必在於薦賢危身莫踰於曠職  
倘蒙垂收紫渙俯矜丹誠愚臣保陳力之言聖鑒有責  
成之地

淵鑑類函卷七十四

設官部

淵鑑類函卷七十四

尚書左右丞

三



熊鑑錄函卷之十四

卷之十四

尚書丞外紫藥所餘丹雘墨亞對刺六之言望望百責  
 廷聖報無間言必安土必去其蕪質氣良莫歸於無  
 階後求對又則結聚奇必對對合華臨言必臨臨與外  
 餘於二署六聘蘇越豈是其人望主求本宜鎮北受蘇  
 開學書圖再臨貢頰未此於此州離中更難與不  
 豈蘭味草昔素障豈倍於餘新並領人與前墨中本無

淵鑑類函卷七十五 書韻部史一人女科史二人習選

大設官部十五 諸曹郎官 尚書左右司郎中 員外附 尚書都事 主事附 日一美

尚書令史 行臺省 尚書丞 尚書少丞 尚書主簿 尚書錄事 尚書正人 直官共青

諸曹郎官一 宣示內本轉錄未結 其人直官共青

原杜氏通典曰郎官謂之尚書郎漢置四人分掌尚書

事一人主匈奴單于營部一人主羌彝一人主吏民戶

口墾田一人主財帛獻貢委輸後漢尚書侍郎三十六

人 後漢志曰尚書六曹侍郎三十六人 一曹六人又漢 官儀尚書侍郎三十五人又晉志曰光武分尚書為

六曹之後今置三十 四人並未詳孰是 主作文章起草取孝廉年未五十

先試牋奏選有吏能者為之更直五日於建禮門內尚

設官部

淵鑑類函卷七十五

諸曹郎官

一



書郎初從三署詣臺試初上臺稱守尚書郎中滿歲稱尚書郎三歲稱侍郎五歲遷大縣其遷為縣令縣令秩滿自占縣去詔書賜錢三萬與三臺祖餞餘官則否吏部典劇多超遷者鄭弘為僕射以臺職任尊而賞薄人無樂者諸吏郎補二千石自此始也八座受成事浚於郎下筆為詔策出言為詔命後漢尚書陳忠上疏曰尚書臣等既愚闇諸郎多文俗吏鮮有雅才每為詔文宣示內外轉相求請其入直官供青縑白綾被或以錦縹為之縹縹列反縹縹也給帳帷茵褥通中枕大官供食物湯官供餅餌及五穀果實之屬五日一美食下天子一等給尚書郎侍史一人女侍史二人皆選

端正妖麗執香爐香囊燒熏護衣服奏事明光殿省省中皆以胡粉塗壁畫古賢烈士以丹朱漆地故謂之丹

擗尚書郎口含雞舌香以其奏事荅對欲使氣息芬芳也奏事則與黃門侍郎對揖黃門侍郎稱已聞乃出丞郎月賜赤管大筆一雙隃麋墨一丸後漢王譚為尚書侍郎臺閣議奏常

依義據法為三臺之表又三輔波錄曰陳重與其友雷義俱拜尚書郎義以左黜重見義去官亦以病免又徐防為尚書郎職典樞機周密畏慎隃麋今沂陽縣出墨魏自黃初改秘書為中書置通事郎掌詔書即今中書舍人之任而尚書郎有二十三人

有殿中吏部駕部金部虞曹比部南主客祠部度支庫部農部水部儀曹三公倉部民曹二千石中兵外兵都功定課部非復漢時職任青龍三年尚書令陳矯奏置

設官部

諸曹郎官

二



都官騎兵凡二十五郎每一郎皃白試諸孝廉能結文

案者五人謹封奏其姓名以補之晉尚書郎選極清美

號為大臣之副武帝時有三十四曹加魏直事屯田起

曹中兵外兵分為左右主客又分為左部左士右士其民

三十五曹置郎中二十三人更相統攝賈充改定律令

郎或為三十六曹晉裴秀以尚書三十六曹統事準例

當五王之難其都官中騎三曹郎畫出督戰夜還理事

嵇含言於長沙王又曰昔魏武每有軍事增置掾屬尚

書令陳矯以有軍事亦奏增郎況今都官中騎三曹書

出督戰夜還理事一人兩役內外廢乏含謂各有主帥

委之大將軍不宜復令臺寮雜與其間又從之乃增郎

及令東晉有十五曹殿中祠部吏部儀曹三公比部金

史

中外兵自過江之後官資小減王坦之字文度選曹將擬

過江尚書郎正用第二人何得以此見擬又宋江智

淵改尚書庫部郎時高流官序不為臺郎智淵門孤援

寡獨有此選意甚不悅固辭不拜梁王筠除尚書殿

中郎王氏過江以來未有居郎署者或勸不就筠曰陸

平原東南之秀王文度獨步江東吾

得比蹤昔人何所多恨乃欣然就職桓元僭位改都官

為賊曹宋高祖時有十九曹元嘉以後有二十曹郎三

公比部主法制度支主竿都官主軍事刑獄其餘曹所

掌各如其名宋武帝初加置騎兵主客起部水部四曹

年增刪定曹郎即魏世之定科郎也三十

年又置功論郎後又省騎兵故為二十曹

其拜吏部郎亦有表讓之禮齊謝朓遷尚書吏部郎上

讓以問沈約約曰宋元嘉中范蔚宗讓吏部朱循之讓

黃門蔡興宗讓中書並三表詔答其事宛然近代小官

設官部

諸曹郎官



不讓遂成常俗恐此有乖讓意王藍田劉安西並貴重  
初自不讓今豈可慕此不讓耶孫興公孔顛並讓記室  
今豈可三署皆讓耶謝吏部今授梁加三曹為二十三  
超階讓別有意豈關官之大小

曹加殿中虞其郎中舊用員外郎正主簿正佐有才地

者為之遷通直郎天監三年復置侍郎視通直郎郎中

遷為之梁到洽為尚書殿中郎洽兄弟羣從遷居此職

學且居雁行之首宜詳又殿中郎關武帝曰此曹舊用文

擇其人乃以張緬為之陳有二十一曹省梁二曹後魏

三十六曹其文至西魏十二年改為十二部後周既改

柳慶為計部郎中又柳靖為尚書度支郎遷正員郎

今人或謂前代正員郎即今尚書郎中按歷代所稱正

員郎者即散騎侍郎耳謂非員外通直者故謂之正員

郎則非尚書之職自魏晉以後尚書省自有郎中官不

應更置北齊有二十八曹吏部考功主爵殿中儀曹三

正員郎公駕部祠部主客虞曹屯田

起部左中兵右中兵左外兵右外兵都兵都官二千其

石比部水部膳部度支倉部左民右民金部庫部

吏部三公各二人餘並普人凡三十郎中後魏北齊隋

初尚書有六曹二十四司凡領三十六侍郎吏部司勳

兵部職方都官司門度支戶部比部刑部等侍郎各二

人主爵考功禮部祠部駕部庫部金部倉部工部屯田

郎各一人分司官曹務直禁省如漢之制至開皇三

年二十四司又各置員外郎一人以司其曹之籍帳侍

郎闕則攝其曹事今尚書員外郎其置自此始以前歷

或謂之侍郎皆無員外之號前代史傳及職官要錄或

有言員外郎者蓋謂員外散騎侍郎耳非尚書之職說

設官部

諸曹郎官

諸曹郎官

曰



始也或有曹加二人者夫侍郎之名舊矣漢凡諸郎皆  
 掌更直執戟宿衛諸殿門以侍衛之故通謂之侍郎故  
 武帝時拜東方朔為郎當時謂之官不過侍郎位不過  
 執戟是也歷代尚書亦有侍郎隋初尚書諸曹二十四  
 司諸郎皆謂之侍郎通若今之郎官耳非今改諸司侍  
 郎曰郎則今郎中之職又改吏部為選部郎禮部為儀曹郎兵  
 部為兵曹郎刑部為憲曹郎工部為起曹郎以異六侍  
 郎之名廢諸司員外郎而每司增置一曹郎各為二員  
 都司置左右司郎中各一人品同諸曹郎掌都省之職  
 尋又每減一郎置承務郎一人同開皇員外郎之職唐  
 改隋諸司郎為郎中每曹又復置員外郎武德六年廢  
 六司侍郎貞觀二年復舊今尚書省有左右司郎中各

一人員外郎各一人分管尚書六曹事其諸曹諸司郎  
 中總三十人員外郎總三十一人通謂之郎中尤重其

選凡郎中章服並元冕五旒衣無章裳刺黻一章兩梁冠凡員外郎章服並爵弁元纓簪導青衣纁裳一梁

冠其職任名數各列在六曹之後齊初學記曰案南史

侍郎隋煬帝置也郎中秦官也員外郎隋文帝置也初

西漢置尚書郎四人光武分尚書為六曹每一尚書則

領六郎凡三十六郎焉秦初置郎中令領諸郎之在中

長也漢武改名光祿勳其屬官有三署五官中郎將左中郎將右中郎將凡三署也署

中有郎中侍郎無員多至千人分隸三署主執戟侍宮

殿出則充車騎漢因之郎中秩比三百石侍郎比四百石以其為郎居中故曰郎中以

設官部月益貢卷之五諸曹郎官五



其為郎內侍漢官云尚書郎初從三署郎選詣尚書臺

試每一郎缺則試五人先試牋奏郎中侍郎之名猶因

三署本號也西漢言郎者多非尚書郎惟田蚡少為諸曹郎是也其文帝時馮唐為郎中署長直

不疑盜同舍郎金武帝時顏驕為郎三世不遷成帝時

揚雄為侍郎及諸言以貨為郎父任為郎皆三署郎至

東漢猶難分有尚書及曹名冠首者即尚書西漢以來郎直言為郎亦三署郎魏以後即無三署郎

尚書諸曹郎中侍郎或不兩置或惟置郎中或惟置侍郎然此二者亦通為尚

郎後漢兩置有郎中侍郎魏晉宋齊後魏北齊惟有郎

中梁陳兩置有郎中侍郎五代史志云梁尚書郎初入臺稱郎中功高者轉為侍郎

陳氏依梁制案前代郎中侍郎兩置者侍郎即今郎中之任郎中即今員外郎之任若惟置郎中亦今郎中之

任隋文帝開皇初惟置侍郎亦尚書郎也隋氏諱中不置郎中惟置侍郎為尚書

郎尋又每曹置一員外郎煬帝於六尚書曹置六侍郎

增品第四諸曹別置二郎尋又每曹省一郎而加承務

郎一人當開皇員外之職唐又改為郎中又依開皇每

曹置一員外郎

諸曹郎官二

原應宿 覩天華嶠後漢書曰館陶公主為子求郎不許賜錢十萬明帝謂羣臣曰郎官上應

列宿出居百里非其人則民受其殃王隱晉書曰樂

廣為尚書郎與何晏鄧鸞等談講衛瓘見而奇之曰常

恐微言將絕今復聞之命諸子造焉謂曰此人之

水鏡也每見此人瑩然猶披雲霧而觀青天也

草題柱漢官儀曰尚書郎主作文書起草晝夜更直五日於建禮門內三輔凌錄注曰田鳳字

季宗為尚書郎容儀端直入奏事靈帝趨墀伏省

目送之因題柱曰堂堂乎張京兆田郎

設官部

諸曹郎官

諸曹郎官

六



應劭漢官儀曰尚書郎含雞舌香伏奏事黃門郎對揖  
跪受故稱尚書郎懷香握蘭趨走丹墀摯虞三輔注  
錄曰馮豹字仲文為尚書郎每奏事未報常伏省闈下  
或自昏至明天子默使人持被覆豹敕令勿驚也日暮  
諸郎下豹每持被護衣上詳伏省注覆錦合

香蔡質漢官典職曰尚書郎給緹無雙第一漢觀  
綾被或以錦被下詳趨輝注無雙第一漢觀

鍾律歷算窮極道術京師號曰天下無雙江夏黃童京  
師貴戚慕其聲名更饋衣物拜尚書郎第一旬月拜尚書

郎貴戚慕其聲名更饋衣物拜尚書郎第一旬月拜尚書  
郎貴戚慕其聲名更饋衣物拜尚書郎第一旬月拜尚書

郎貴戚慕其聲名更饋衣物拜尚書郎第一旬月拜尚書  
郎貴戚慕其聲名更饋衣物拜尚書郎第一旬月拜尚書

郎貴戚慕其聲名更饋衣物拜尚書郎第一旬月拜尚書  
郎貴戚慕其聲名更饋衣物拜尚書郎第一旬月拜尚書

郎貴戚慕其聲名更饋衣物拜尚書郎第一旬月拜尚書  
郎貴戚慕其聲名更饋衣物拜尚書郎第一旬月拜尚書

郎貴戚慕其聲名更饋衣物拜尚書郎第一旬月拜尚書  
郎貴戚慕其聲名更饋衣物拜尚書郎第一旬月拜尚書

臺閣典職十年奏  
事三世未嘗有過  
握蘭丹墀  
珥筆華軒  
上詳初學  
潘岳

贈陸機詩云齊轡龍墀光贊  
納言優游省閣珥筆華軒  
給青縑被  
賜赤管筆

上詳通典漢官云尚書郎五時  
賜珥赤管大筆一雙分墨一丸  
賈充定法令  
劉

頌典科律  
晉書賈充拜尚書郎典定科令兼度支考課  
辨章節度事皆施用  
劉頌拜尚書三公郎

典科律申冤訟  
累遷中書侍郎  
龔遂清儉賜衣  
馮豹俯伏覆被  
書漢

右龔遂拜尚書郎桓帝嘉其才又見衣服不鮮左  
云龔遂清儉賜衣及車馬等物下詳初學記  
杜

元凱擢拜  
王叔武超遷  
王隱晉書云杜預字元凱以  
書王彪之字叔武從伯導謂曰選官欲以汝為尚書郎  
汝幸可作諸王佐耶彪之曰位之多少既不足計自當

任之於時至於超遷  
列宿  
山郎  
上見華嶠後漢書  
是所不願遂為郎  
病盡一日輒償一沐或至歲餘不得沐其豪富日出遊

將故事令郎出錢市財用給文書迺得出名曰山郎移  
病盡一日輒償一沐或至歲餘不得沐其豪富日出遊

設官部  
諸曹郎官



戲暉乃罷山郎移長度大司農以給財用  
注山財用所出故名山郎長度總計也  
粉署蘭

省仙署省仙  
握蘭 起草 襍被 含香 上魏 償

金避杖 上直不疑事 集雉 哀鳥 有蕭芝為尚書郎  
芝舍當直送至洛陽及應休 比秩 交禮 後漢和帝

飛迎上其車 下詳初學記 禮遷又解交焉 分

座初拜皆治其舊制並集都座交禮 遷又解交焉 分

曹寓直 父任 郎潛 張安世以 郎

原選 孝悌為郎 漢舊儀云高后選孝悌為郎宿吏二千

郎 簡良能親職 衰秀奏事云謹案臺閣簡統萬機動

職 三朝不遇 馮 十年無過 徐昉 邦之俊茂 晉起

若出臺郎御史萬邦之俊茂 朝之俊選 裴秀奏事云臺

當區處事宜 大臣之副 望號稱大臣之副 州取尤者

以應州刺史久無郎副之 宰士之雋 有郎王恒之以

人無先之者請以補職也 宰士之雋 有郎王恒之以

病出義陽鄧選有才義論者以為宰士 彌綸舊章 承

後漢書云承父嬰為尚書侍郎服事丹墀彌綸舊章策

文通訓條在宮禁祕於省閣惟承臺郎升復道取得為

開覽其餘他官 煩劇之任 郭璞辭尚書表云今當以

莫敢闕關也 煩劇之任 郭璞辭尚書表云今當以

繁劇之任 主作文書 續漢書百官志云尚書侍郎

書起 受口宣詔 百官表注云直郎一人主受書及受

者施 趨翔廊閣 華陽國志云杜軫起家入為齊尚書

朝偉 優游省閣 詳 馬游卿甲科為郎 漢書云馬宮

設官部 諸曹郎官



氏春秋以射  
策甲科為郎  
阮德猷上第拜郎  
第即拜尚書郎毀譽

之徒或言對者因緣從  
託詔乃更延羣才廷對  
王公仲明經為郎  
漢書云王

平陵人以明經  
射策甲科為郎  
陸士衡文學轉郎  
王隱晉書陸機為

鎮淮南以機有文學遷  
尚書中兵郎轉殿中郎  
書禰正平性與道合  
後漢禰衡

孔融上疏薦衡曰臣竊見處士平原禰衡淑質貞亮英  
才卓礫幼涉藝文升堂覩奧目所一見輒誦於口耳所

警聞不忘於心性  
與道合思若有神  
夏侯湛理識明徹  
源司馬攸與山巨

人夏侯湛柔心居正理  
識明徹應可為郎也  
黃香數陳得失  
為後漢書黃香

陳得失賞賚增加嘗獨止宿臺  
上晝夜不離省闈帝聞善之  
郭璞數言便宜  
王隱

郭璞遷尚書郎數  
言便宜多所匡益  
龔遂處當平浚口筆俱著  
謝承後

龔遂字巨卿拜尚書郎性敏達彌縫舊章深識典故每  
奏事朝廷所問應時建白桓帝嘉其才臺閣有疑事一

以委遂處當平浚  
口筆俱著轉左丞  
劉裕國家故事浚於口筆  
又云劉

祖補尚書郎裕有才辨自在臺閣陳國  
家事故每有奏浚於口筆為羣寮所服  
獨直臺上  
漢

鍾離意傳云藥崧河內人天性樸忠家貧為郎嘗獨直  
臺上無被枕食糟糠帝每夜入臺輒見崧問其故甚嘉

之自此詔大官賜尚書以下朝  
夕餐給帷被阜袍及侍史二人  
有益臺閣  
山濤啓事

人夏侯湛有盛才而不長治民有益臺閣在東宮已  
久今殿中郎缺宜得才學不審其可參此選否也

奏議為臺閣崇信  
華嶠後漢書陽球為尚書郎開達  
故事其所奏議常為臺閣所崇信

據法為三臺之表  
謝承後漢書云王譚除尚書郎服事  
臺閣專習國典據法為三臺之表

三署服其慎  
東觀漢記云樊梵字文高每當直事駐  
車待漏冠劍不解於身為郎二十歲未

嘗被奏三署  
服其慎也  
談者詠其高  
王隱晉書魏舒為尚書郎

罷之舒曰吾即其人也襍被選出同寮素  
無清論者咸有媿色談者莫不詠其高也  
解系州里

設官部  
諸曹郎官



榮焉

晉書云解系及二弟結育並清身潔已俱歷洗馬舍人尚書郎州里榮焉

王湛臺閣

益重

王湛別傳云湛為尚書郎事要機會輒中沒之無所不辦臺閣益歸重也

焯焯羣龍

吐芳蘭

嵇含臺中宴會詩云殿中焯焯羣龍吐芳蘭

謙謙君子美曾顏

詩曰三美曾顏

不能為郎

三輔決錄云丁邯舉孝廉為郎故待郎以令史久次

補之世祖始改用孝廉郎稱病不就詔問病差為郎否對曰臣不病取以孝廉為令史職世祖怒杖之詔問欲

為郎否郎曰能殺臣者陛下不其固辭不拜

能為郎者臣詔遣出竟不拜郎固辭不拜

士操不修廉隅婦父謝安惡其傾側每抑而不用除尚書郎國寶以中興膏腴之族惟作吏部不為餘曹郎固

辭不拜藥崧走入牀下怒即藥崧以杖撞之崧走入牀

下帝怒甚疾言郎出郎出崧曰天子穆穆諸侯皇皇未聞人君自起撞郎帝赦之

受罰魏略曰韓宣為尚書郎曾以職事受罰文帝輦過之問是誰縛左右以實對帝念臨淄侯遂輕車解

縛

香似諸曹郎官四贊晉出冀或味也置歡何卧劇劇

**原詩**晉陸士衡贈尚書郎顧彥先詩曰朝遊遊曾城夕

息旋直廬迅雷中宵激驚電光夜舒元雲拖朱閣振風

薄綺疏豐注溢修雷潢潦侵階除停陰結不解通衢化

為渠沈稼湮梁潁流民沂荆徐眷言懷桑梓無乃將為

魚即唐蘇味道在廣州聞崔馬二御史並拜臺郎詩曰

振鷺齊飛日遷鶯遠聽聞明光共待漏清覽各披雲喜

得廊廟舉嗟為臺閣分故林懷柏悅新握阻蘭熏冠去

神羊影車迎瑞雉羣遠從南斗外遙仰列星文沈佺

設官部

諸曹郎官

諸曹郎官



期酬蘇員外味道夏晚寓直省中詩並命登仙閣分宵  
直禮闈大官供宿膳侍史護朝衣卷幔天河入披庭月  
露微小池殘暑退高樹早涼歸冠劔無時釋軒車待漏  
飛明朝題漢柱三署有光輝增韓昌黎天星送楊凝  
郎中賀正詩曰天星牢落雞喔咿僕夫起餐車載脂正  
當窮冬寒未已借問君子行安之會朝元正無不至受  
命上宰須及期待從近臣有虛位公今此去歸何時風  
錢起送陸郎中詩曰事邊仍戀主舉酒復悲歌粉署含  
香別轅門載筆過鶯聲出漢苑柳色過漳河相憶情難  
盡離居春草多 又喜李侍御拜郎官入省詩曰粉署

花驄入丹青紫誥垂直廬驚漏近賜被覺霜移漢主前  
瑤席穰侯許鳳池應憐後行雁空羨上林枝韋莊南  
省伴直詩曰文昌二十四仙曹盡倚紅檐種露桃一洞  
煙霞人迹少六行槐柳馬聲高星分夜彩寒侵帳蘭惹  
春香綠映袍何事愛留詩客宿滿庭風雨竹蕭騷白  
樂天賀楊十二新拜省郎詩曰文昌新入有光輝紫界  
宮牆白粉闈曉日雞人傳漏箭春風侍女護朝衣岑  
參省中即事詩曰華省謬為郎蹉跎鬢已蒼到來還襍  
被隨例且含香王介甫送致政朱郎中東歸詩曰平  
生不省問田園白首忘懷道更尊已上印書辭北闕稍



留冠蓋餞東門馮唐老有為郎戀疏廣終無任子恩今日榮歸人所羨兩兒腰綬擁高軒未暇中東補語曰平

參省尚書左右司郎中一員外附

**原**杜氏通典曰隋煬帝三年於尚書都省初置左右司郎二人品同諸曹郎從五品掌都省之職唐貞觀二年改為郎中龍朔二年改為左右丞務咸通元年復舊令掌副左右丞所管諸司事省署抄目勘稽失知省內宿直判都省事若右司不在則左并行之左司不在右亦如之員外郎武后永昌九年置與郎中分掌曹務神龍元年省二年復置**增**六典曰左右司郎中員外郎

各掌付十有二司之事以舉正稽遲者置符目焉凡都省掌舉諸司之綱紀與其百寮之程式以正邦理以宣邦教文獻通考曰宋制左司郎中右司郎中左司員外郎右司員外郎各一人掌受付六曹之事而舉正文書之稽失分治省事左司治吏戶禮奏鈔班簿房右司治兵刑工案鈔房而開拆制敕御史元豐六年都司置御史案催驅封樁印房則通治之有稽滯則以期限舉察失職催初於都司置吏設案而議者謂臺郎宰掾不當自為官司遂隨省房分治所領之事惟置守分書奏各四人主行校定省吏都事以下功過及遷補之事元豐七年

設官部

淵金類考卷之十五

尚書左右司郎中

七



都司御史房置簿以書御史六曹官糾劾之多寡當否  
為殿最歲終取旨陞黜紹聖元年詔諸司以歲終點檢  
六曹稽違最多者具郎官姓名上省取旨二年詔御史  
臺察六曹稽緩違失者送左司籍記宣和二年左司員  
外郎王蕃奏都司以彌綸省闡為職事無不預今宰丞  
入省諸房文字填委次第呈覆自朝至於日中或昏暮  
僅絕其勢不暇一一檢閱細故而省吏徑稟宰丞請筆  
以草檢令承從官齎赴郎官廳落日押字謂宜遵守元  
豐及崇寧舊法諸房各具簽貼先都事自點檢次郎官  
押訖赴宰丞請筆行下於是詔曰先帝肇正三省詔給

令都司以贊省務今都司寢以曠官緣省吏強悍敢肆  
侵侮自今違法事其左右司官具書其事舉劾情重者  
竄責元豐寄祿為朝議大夫 事文類聚曰宋朝以為  
階官元豐正名始實有職掌建炎三年以置檢正省左  
右司二員二年詔左司書擬吏戶禮機速房右司書擬  
兵刑工賞功房文字後以右司掌刑房事任為劇乃置  
二員品續文獻通考曰遼南面尚書省置左右司郎中  
左右司員外郎限金尚書省左司郎中一員正五品員  
外郎一員正六品掌本司奏事總察吏戶禮三部受事  
付事兼帶修起居注官迴避其間記述之事每月朔朝



則先集是月滿者為簿名曰闕本及行止簿貼黃簿并  
官制同進呈御覽畢則受而藏之每有除拜凡尚書省  
所不敢擬注者則一闕具二三人以聽制授都事二員  
正七品掌本司受事付事檢勾稽失省置文牘兼知省  
內宿直檢校架閣等事右司郎中一員正五品員外郎  
一員正六品掌本司奏事總察兵刑工三部受事付事  
都事二員正七品所掌同左司元尚書省與中書省  
更變不一其左右丞參議中書省事左右司郎中皆參  
贊中書者明洪武元年設中書省左右丞各一人其  
屬左右司郎中各一人員外郎各一人都事各一人後

革中書省置六部遂無左右司之名矣水滸峽閣門事

夫自尚書左右司郎中二員外附

**增**隋書曰骨儀遷尚書右司郎於時政漸亂濁貨賂公

行凡當樞要之職無問貴賤並家累金寶天下士大夫

莫不變節而儀勵志守常介然獨立事文類聚曰隋

煬帝始置左右司郎各一人宋因改曰郎中服章與諸

司郎中並同元冕五旒衣无章裳刺黻一章兩梁冠

又曰天后始置左右司員外郎各一人時顧琮以侍御

史陳元懷直以洛州司戶遷其朝服與諸司員外郎並

爵弁元纓簪導青衣纁裳一梁冠又曰白敏中字用

設官部

尚書左右司郎中

尚書左右司郎中

古



晦為左司員外郎武宗惟聞白居易名欲召用之是時居易病足宰相李德裕薦敏中文辭類其兄而有器識又又曰武元衡字伯蒼遷左司郎中詳整任職時以詳整稱重並唐書曰許鑑為左司郎中不稱職張鷟劾之云位膺列宿爵綰通班總八座之繁司承萬機之要務鏘鏘會府掌北斗之璣衡肅肅禮闈握南宮之樞輿長編曰元豐六年七月左司郎中范雍直龍圖閣河北轉運使都司出使除職自此始元祐元年范子奇范純夫自左右司出為河北京東轉運皆用雍例直龍圖閣楊誠齋集曰張棻字敬夫除右司員外郎知閣門事

張說除簽書棧夜草手疏極言其不可且詣宰相質責之宰相慙憤不堪而上獨不以為忤親札疏尾付宰相使諭旨棻復奏上意感悟命得中寢

尚書左右司郎中員外附

**增精簡得人** **掄選有序** 唐書曰太宗朝劉洎上疏曰

維不舉並為勳親在位品非其任功勢相傾將救茲弊且宜精簡四員左右丞左右司郎中如並得人自然綱維一舉亦當矯正趨競豈惟息其稽滯哉九國志曰吳王潛為左司郎中典選事時喪亂之後官失其守甲簿湮沒潛雍容款接坐客常滿隨才而接人人公廳自以為得徐知誥相吳掄選有序潛之力也

**浚事** **都堂坐白** 劉摯傳摯遷右司郎中初宰掾每於執政分廳時請問白事多持兩端伺

意旨摯始請以公禮聚見共決可否晦菴集曰張維留為左司郎中遇事有未便輒詣都堂坐白或曰瑣瑣設官部



辨切非朝官體公曰都司助調鼎實幾微所關沮大  
若視吏籤擬輒涉筆書不置可否安用我輩耶  
臣議 宣都司力 議東都事略曰倪濤遷左司員外郎方

天下久平士不習戰軍儲又絀無輕議以貽後患宰相  
王黼曰左司敢沮軍耶罷之 楊誠齋集曰葉顥除右

司時孝宗初即位欲清中書之務增宰士之員公膺首  
選遷左司一日帝召諫官曰葉顥在都司二年甚宣力

然與宰相為朋黨諫官對曰臣不識顥聞之公論不然  
因陳其求外補意帝默然良久曰非卿則朕無以知此

人越翼日除吏部 書數曾布 面折頤浩 陳權為右  
侍郎兼權給事中 尊私史而壓宗廟緣邊費而

司員外郎以書獻曾布曰尊私史而壓宗廟緣邊費而  
壞先政皆閣下之過也布讀之大怒辨論移時權指事

敘言辭色不撓堂吏比肩竦觀又以日錄辨國用須知  
繳申三省遂出知泰州 中興系年錄曰紹興三年時

方審量濫賞以左右司領之呂頤浩當國時有縱舍員  
外郎王岡獨持不可曰公秉國鈞於天下具瞻之地不

平謂何怨始有所 草自書除目其學為宰相 哲宗實錄  
歸矣頤浩矍然

豈可不 謹擇 本朝尚書左右司郎中四員外附  
增制唐元稹章審規等左司戶部郎中等敕曰尚書郎

會天下之政上可以封還制誥下可以昇負牧守居可  
以優游殿省出可以察視違尤非第異流不議茲選具  
官韋審規等皆歷踐臺閣閑達憲章或滿歲當遷或擇  
才斯授皆極一時之妙足為三署之光於戲提紀綱而  
分命六聰左右司之職甚重登生齒以比董九賦人曹

設官部 尚書左右司郎中



郎之任非輕勉竭彌綸之心勿虛俊茂之舉蘇頌授  
柳渙左司員外郎敕曰具官柳渙襟情雅正藝能敏洽  
珥筆記言才光東觀張燈起草譽動南宮宜同滿歲之  
遷式副為郎之舉又授姜昂右司員外郎等敕曰尚  
書金部員外郎姜昂殿中侍御史李常等勵節修身敏  
才通識金曹典事頗效精勤白簡繩違久聞堅正皆能  
奉職宜稱遷升昂可尚書右司員外郎常可行侍御史  
散官勲如故

尚書都事

主事附

原杜氏通典曰都事晉有尚書都令史八人秩二百石

與左右丞總知都臺事宋齊八人梁五人謂之五都令  
史職與晉同舊用人常輕武帝詔曰尚書五都職參政  
要非但總領衆局亦乃方軌二丞頃雖求才未臻妙簡  
可革用士流以盡時彥乃以都令史視奉朝請其時以

士劉訥兼殿中都司空法曹參軍劉顯兼吏部都太學  
博士孔虔孫為金部都司空法曹參軍蕭軌兼左民都  
宣毅墨曹參軍王顯兼中兵都隋開皇初改都令史為

都事置八人煬帝分隸六尚書置六人領六曹事唐因

之置主事漢光祿勳有南北庭主事三署之

之後漢范滂字孟博自光祿四行遷光祿主事時陳蕃  
為光祿勳滂執公儀詣蕃蕃亦不止滂懷恨投版棄官  
而去郭泰聞之曰若范孟博者豈宜以公禮後魏於尚

設官部

尚書都事

七



書諸司置主事令史隋於諸省又各置主事令史員煬  
 帝三年並去令史之名但曰主事隨曹閒劇而每十令  
 史置一主事不滿十者亦一人雜用士人顏懲楚者文  
 學名流為內  
 事史主唐並用流外增事文類聚曰本尚書都令史之  
 職蓋前漢官也漢尚書臺令史秩二百石魏令史皆八  
 品梁陳品第八隋正八品上唐置六人從七品上自晉  
 宋齊後魏北齊隋置八者當八座之數梁陳置五者當  
 五曹之數唐置六者當六曹之數宋尚書省都事正八  
 品元於左右二司各置都事亦古制也續文獻通考  
 曰金尚書省左司都事二員正七品掌本司受事付事

檢勾稽失省署文牘兼知省內宿直檢校架閣等事右  
 司都事二員正七品所掌同左司大明無尚書都事官  
尚書令史一

**原**杜氏通典曰尚書令史漢官也後漢尚書令史十八  
 人曹有三人主書後增劇曹三人合二十一人皆選於

蘭臺符節簡練有吏能者為之漢官儀云能通蒼頡史  
 籀篇補蘭臺令史滿歲  
補尚書令史滿歲為尚書郎  
 後漢韋彪字孟達上疏  
 曰往時楚獄大起故署令史以助郎職而類多小人好  
 名奸利今者務  
 簡皆可停省其尚書郎初與令史皆主文簿其職一

也郎闕以令史久次者補之光武始革用孝廉孝廉恥

焉時故事尚書郎缺以令史久次補之光武始改用孝  
 廉為郎又郎中表著詣闕上書訟梁冀矯暴冀陰

設官部

尚書令史

尚書令史

大



殺之學生劉常當代名儒素善於著冀召常補令史以此辱之舊制尚書郎限滿補縣

長令史補丞尉尚書令鄭弘奏曰職尊掌簿多無樂者

請即補千石令史為長帝從之蜀志董厥為府令史諸葛亮稱之曰董令史良

士也後遷至尚書令史平臺事西晉令史朝晡詣都座朝江左惟早朝

而已又賈充為尚書令以目疾表置省事吏四人尚書

置省事自此始也其品職與諸曹令史同姚萇圍苻堅遣僕射尹緯

詣堅問事堅見其瓌傑問曰卿於朕代為何官緯荅曰尚書令史堅曰卿宰相才王景略之儔也而朕失之今

日之亡不亦宜乎晉宋蘭臺寺正書令史雖行文書皆有品秩

朱衣執版給書僮孔顛為御史中丞坐鞭令史為有司

所糾孔顛性素儉蘭臺令史梁陳與晉宋同後魏令史

亦朱衣執笏然謂之流外勲品北齊尚書郎判事正令

史側坐書令史過事令史皆平揖郎無拜自隋以來令

史之任文案煩屑漸為卑冗不參官品開皇十五年詔州縣佐史三年

得重位煬帝以四省三臺皆曰令史九寺五監諸衛府

則皆曰府史於時令史得官者甚少年限亦賒隋牛弘

制官減則不濟其故何也煬曰古人委任責成歲考其

殿最案下重求文不繁悉太史之任掌要目而已今之

文簿恒慮覆理鍛鍊苦辛甚密萬里追證百年舊案故

諺曰老吏抱案死今古不同若此之相懸也弘又曰後

魏北齊之時令史從容而已今則不遑寧舍其事何也

炫曰齊氏立州不過十三府行臺遞相統領文書行下  
不過十條今州二百其繁一也往者州惟置綱領郡置  
守丞縣惟令而已其所具寮則長官自辟受詔赴任每  
州不過數十令則不然大小之官悉由吏部纖介之迹  
設官部



皆屬考功其繁二也省官不如省事省事不如清心唐  
 官不省而欲從容其可得乎弘其善其言而不能清  
 武德中天下初定京師穀糴貴遠人不相願仕流外始  
 於諸州調佐史及朝集典充選不獲已而為之遂促年  
 限優以敘次六七年有至本司主事及上縣尉者自此  
 之後遂為官途總章中詔諸司令史考滿合選者限試  
 一經時人嗟異著於謠頌時間立本為右相姜恪為左  
 相立本無他才識特以善書  
 稱之恪嘗累為將軍立功塞外是歲京師饑旱弘文崇  
 賢司成三館學生並放歸本貫當時為之語曰左相宣  
 威沙漠右相馳譽丹青三館增文獻通考曰宋制判  
 學生放散五臺令史明經  
 省事一人以諸司三品以上充總轄二十四司及集議  
 定謚文武官封贈注甲發付選人出雪投供之事令史

三人驅使官三人散官一人續文獻通考曰金廢帝  
 正隆二年罷尚書省直省令史出為外官 明無尚書  
 令史

尚書令史二

**原掌錄上事**並處事宜別掌錄上事立草 **掌發章**

**表**又云直事令史掌發納章表及上事上書 **別錄判**

**校**又云尚書令史偕左右丞共 **別掌立草**前見 **義士**

**二人**魏志云濟陰王思與梁習俱為西曹令史思因直

時思近出習代往對已被收執矣思乃馳還自陳已罪

有二義 **國士之風**王隱晉書云趙孟字長舒入補尚

設官部 **尚書令史**



風其面 有疵 邊讓占對閑敘 後漢書邊讓傳云大將軍何

至詭以軍事徵召既到署令史進以禮見之 黃浮奉

讓善占對閑敘如流時賓客百數皆高慕之 黃浮奉

公憂民 汝南先賢傳云黃浮為墟里所差次當洛亭於

求學事歲餘為公府令入補尚書令史 孫鑠遂起就

職 不為鑠緒晉書云孫鑠字巨業補吏部令史歎曰郡縣

職 不為鑠緒晉書云孫鑠字巨業補吏部令史歎曰郡縣

職 不為鑠緒晉書云孫鑠字巨業補吏部令史歎曰郡縣

職 不為鑠緒晉書云孫鑠字巨業補吏部令史歎曰郡縣

職 不為鑠緒晉書云孫鑠字巨業補吏部令史歎曰郡縣

職 不為鑠緒晉書云孫鑠字巨業補吏部令史歎曰郡縣

職 不為鑠緒晉書云孫鑠字巨業補吏部令史歎曰郡縣

職 不為鑠緒晉書云孫鑠字巨業補吏部令史歎曰郡縣

職 不為鑠緒晉書云孫鑠字巨業補吏部令史歎曰郡縣

職 不為鑠緒晉書云孫鑠字巨業補吏部令史歎曰郡縣

職 不為鑠緒晉書云孫鑠字巨業補吏部令史歎曰郡縣

職 不為鑠緒晉書云孫鑠字巨業補吏部令史歎曰郡縣

職 不為鑠緒晉書云孫鑠字巨業補吏部令史歎曰郡縣

職 不為鑠緒晉書云孫鑠字巨業補吏部令史歎曰郡縣

職 不為鑠緒晉書云孫鑠字巨業補吏部令史歎曰郡縣

職 不為鑠緒晉書云孫鑠字巨業補吏部令史歎曰郡縣

職 不為鑠緒晉書云孫鑠字巨業補吏部令史歎曰郡縣

職 不為鑠緒晉書云孫鑠字巨業補吏部令史歎曰郡縣

原杜氏通典曰行臺省魏晉有之昔魏末晉文帝討諸

葛誕散騎常侍裴秀尚書僕射陳泰黃門侍郎鍾會等

以行臺從至晉永嘉四年東海王越帥眾許昌以行臺

自隨是也 越請討石勒表 及後魏謂之尚書大行臺別

置官屬 後魏道武帝置中山行臺以秦王儀為尚書令

蘇綽為行臺 北齊行臺兼統民事自辛術始焉 武帝八

度支尚書 北齊行臺兼統民事自辛術始焉 武帝八

為東南道行臺 東徐州刺史郭志殺郡守文宣聞之敕

術曰江南初附百姓難向京師留卿為行臺亦欲理邊

民冤枉監理牧守自今以後所統十餘州地諸有犯法

者刺史先啓聽報以下先理後表齊代行臺兼總民事

自術也 其官置令僕射其尚書丞郎皆隨時權制 江左無

始也 其官置令僕射其尚書丞郎皆隨時權制 江左無

射 左右各一人主事四人有考功 兼吏部主禮部 兼祠

設官部 射左右各一人主事四人有考功 兼吏部主禮部 兼祠



客膳部兵部兼職駕部庫部刑部兼都官度支兼倉金

部工部屯田兼水部侍郎各一人每臺置食貨農圃武

器百工監副各置丞食貨四人農圃一人錄事等員食貨

農圃百工等各二人武器一人蓋隨其所管之道置於外州以行尚書

事東增文獻通考曰開皇八年將伐陳則置淮南行省

於壽春九年已平陳則廢淮南行臺省唐初亦置行臺

武德四年詔陝東道大行臺尚書省自令僕至郎中主

事品秩皆與京師同而員數差少山東行臺及總管諸

州並隸焉其益州襄州山東淮南河北等道令僕以下

各降京師一等員數又減焉行臺尚書令得承制補署

其秦王齊王府官之外各置左右六護軍府及左右親

事帳內府貞觀以後廢其後諸道各置采訪等使每使

有判官二人兼判尚書六行事亦行臺之遺制致堂

胡氏曰由朝廷制藩屏以藩屏臨州縣以州縣治百姓

如挈裘而振其領政出於一則稟承者無二三之惑今

唐全有四海置郵以傳命雖萬里之遠不逾時月而至

矣而建二三行臺於外使大臣承制補置是政出於朝

廷又出於行臺夫豈國無異政之體哉按行臺省之

名雖始於魏晉之間然西漢初興高祖所以委蕭何世

祖所以命鄧禹其權任蓋亦類此唐天寶以後以盜賊

設官部

州監領

行臺省



洪武類編卷之十五  
三  
陷兩京吐蕃侵畿甸則或以大元帥副元帥命親王勳臣爲之然但可任專征之責而他事則稟朝旨則亦未嘗備行臺省之事也至其末年方鎮擅地請節於是或以侍中中書令同平章事王爵命之如錢鏐馬殷王審知之徒蓋名爲奉正朔而實自爲一朝廷矣然則行臺省之名苟非創造之初土宇未一以此任帷幄腹心之臣則必衰微之後法制已隳以此處分裂割據之輩至若承平之時則不宜有此名也建炎時張魏公以樞密使宣撫川陝趙忠簡謂之曰元樞新立大功出當川陝半天下之責自兵事外悉當奏稟蓋大臣在外忌權太

重也及魏公得罪謫詞言假便宜行事之制忘人臣無將之嫌肖內閣以招賢擬尚方而鑄印然則承制之事易以惹謗忠簡之言固篤論也 事文類聚曰宋無行臺省臺省續文獻通考曰行中書省即行尚書省遼不設金宣宗置行省於陝西元制行中書省凡十秩從一品掌國庶務統郡縣鎮邊鄙與都省爲表裏中統至元間皆以省官出領其事其丞相皆以宰執行某處省事係銜其後嫌於外重改爲某處行中書省至元二十四年改行尚書省尋復如舊每省丞相一員平章二員左右丞丞員參知政事二員郎中員外郎各二員都事二員



明洪武丙辰改浙江等行中書省為承宣布政司及  
 設都指揮使司提刑按察使司於各省遂定官制先是  
 仍元為行中書省或分中書省六部尚書往往出為參  
 知政事參政入為尚書至是始改為布政使司按察司  
 都司是謂三司官並治省城  
 金宣行臺省二  
 有王佐才  
 增理邊民冤

未見知臺中咸稱其能僕射周慧達稱其有王佐才時  
 文帝與公卿往昆明池觀魚至漢故蒼池顧問左右莫  
 有知者或曰蘇綽博物乃召問綽應對如流文帝嘉之  
 乃令綽並馬至池及夜還留綽問以政道臥而聽之文  
 帝乃起整衣冠危坐不覺膝之前席語遂達曙詰朝謂  
 周慧達曰蘇綽真奇士也即拜大行臺左丞參典機密

自是寵  
 遇日隆  
 辦槽解圍  
 備艇全橋

洛州刺史周武帝親攻金墉永業出兵禦之曰是何達  
 官作何行動周人曰至尊自來主人何不出看客永業  
 曰客行息速是故不出乃解圍去北齊張亮為行臺左丞高  
 仲密之叛也與斛律金守河陽周太祖於上流放火船  
 燒河橋亮乃備小艇百餘艘皆載長鑱鑱頭施鉤火船  
 將至即馳小艇以鉤鉤之分鑱向岸  
 船不得及橋之獲全張亮之力也  
 鎮東都  
 侯景為南道大行臺位司徒言於神武曰恨不  
 以作太平寺主神武壯其言使擁兵十萬專制河南仗  
 任若己之半體屈突通判陝東道行臺左僕射時從  
 討王世充世充平論功第一拜  
 陝東道大行臺右僕射鎮東都

設官部  
 洪武類編卷之十五







